

四庫全書

子部

欽定四庫全書

子部
玉海卷一百十四

詳校官中書臣張經田

主事臣祁韻士覆勘

總校官進士臣朱鈐

校對官主事臣陳文樞

謄錄監生臣張裕享

欽定四庫全書

玉海卷一百十四

宋 王應麟 撰

選舉

科舉

取士科目自夏商以前不見於經其可見者至周始著自周後數千載其間廢置因革皆可考大抵自重而漸輕自緩而漸速

周三物 賢能書

天官宰夫書其能者與其良者以告於上注鄭司農云

若今舉孝廉賢良方正茂才異等

疏此謂官中諸史也

地官大

司徒以鄉三物教萬民而賓興之一曰六德

蘊於內

知仁聖

義忠和二曰六行

形於外

孝友睦婣任恤三曰六藝禮樂

射御書數注物猶事也興猶舉也民三事教成鄉大夫

舉其賢者能者以飲酒之禮賓客之既則獻其書於王

鄉大夫三年則大比攷其德行道藝而興賢者能者

鄉老及鄉大夫帥其吏與其衆寡以禮禮賓之注賢者有德行能者有道藝衆寡謂鄉人之善者無多少也鄭司農云興賢者謂若今舉孝廉興能者謂若今舉茂才賓敬也玄謂變舉言興者謂合衆而尊寵之以鄉飲酒之禮禮而賓之疏吏謂州長以下衆寡謂鄉中有賢能者皆集在庠學鄉飲酒堂上堂下皆有衆賓不言其數厥明鄉老及鄉大夫羣吏獻賢能之書于王王再拜受之登于天府內史貳之疏賢能之書

亦寶物故藏于天府內史副寫一通文書擬授爵祿退
而以鄉射之禮五物詢衆庶此謂使民興賢出使長之
使民興能入使治之注使民自舉賢者因出之而使之
長民教以德行道藝於外使民自舉能者因入之而使
之治民之貢賦田役之事於內 州長正月之吉屬民
讀法以攷其德行道藝而勸之三年大比則大攷州里
以贊鄉大夫廢興 黨正正歲屬民讀法而書其德行
道藝 族師月吉則屬民讀邦法書其孝弟睦婣有學

者 問胥凡春秋云云聚衆庶既比則讀法書其敬
敏任恤者 遂大夫三歲大比則帥其吏而興吐明
其有功者注舉民賢者能者如六鄉之為也又因舉
吏治有功者疏帥其吏者縣正至鄰長 司諫掌糾
萬民之德以時書其德行道藝辨其能而可任於國
事者 夏官司士王族故士注故為士者疏新升試
士未得正爵者為新士不得留宿衛也 記學記比年
入學中年考校注周禮三歲大比乃考焉疏此中年考

校非周禮也皇氏以中年考校謂鄉遂學一年視離經
辨志以下皆謂國學非也

王制疏鄉人故三年一舉學者故中年考試殷周同也

文王世子凡語于郊者必取賢斂才焉或以德進或以事舉或以言揚注語謂論說於郊學大樂正論造士之秀者升諸司馬曰進士謂此矣射義諸侯歲獻士

於天子注引舊說大國三次國二人小國一人

鄉送一人

至君所

管子昭王穆王合羣宴比校民之有道者注謂

興賢者詩甫田或耘或耔黍稷薿薿攸介攸止烝我

髦士 自國子而下為士者不出於鄉遂夫家管子
所謂秀民之能為士者也 閏月書族時考州歲比鄉
三年賓興 古者使民興鄉之賢能還以長治其鄉士
自修於家民自為鄉謀故毀譽公賢否明衆賓之席弗
屬堂下之觀禮者弗坐無異辭也 遂以耕為主故其
事畧鄉以教為主故其事詳

周選士

王制命鄉論秀士升之司徒曰選士司徒論選士之秀

者

注秀士鄉大夫所考

而升之學曰俊士升于司徒者不征于鄉

升于學者不征於司徒曰造士樂正崇四術立四教順

先王詩書禮樂以造士大樂正論造士之秀者以告于

王而升於司馬曰進士司馬辨論官材論進士之賢者

以告于王而定其論論定然後官之任官然後爵之位

定然後祿之

司士注王制曰司馬辨論官材云云

漢志先王之制里有

序而鄉有庠序以明教庠以行禮而視化焉八歲入小

學學六甲五方書計之事始知室家長幼之節十五歲

入大學學先聖禮樂而知朝廷君臣之禮其有秀異者
移鄉學于庠序庠序之異者移國學于少學諸侯歲貢
少學之異者於天子學于太學命曰造士行同能偶則
別之以射然後爵命焉 漢紀武帝元朔元年十一月

詔曰進賢受上賞古之道也有司奏議曰古者諸侯貢
士壹適謂之好德再適謂之賢賢三適謂之有功

注臣
瓚曰

尚書大
傳云

儀禮古者五十而后爵 射義古者天子之

制諸侯歲獻貢士於天子天子試之射宮

注歲獻獻國
事之書及計

借物也三歲而貢
士舊說云見上

古者天子以射選諸侯卿大夫士

注選

士者先考德行
乃復決之於射

詩菁菁者莪樂育材也箋云人君教

學國人秀選俊造進士養之以漸至於官之

濟濟多士
文王以寧

倬彼雲漢為章于天周王壽考遐不作人
天魚躍于淵豈弟君子遐不作人
肆成人有德小子

有造古之人無斁譽髦
斯士 鵠鵠王多吉士

舜典敷奏以言明試以功

臯陶謨翕受敷施九德咸事俊又在官 益稷萬邦

黎獻共惟帝臣惟帝時舉敷納以言明庶以功車服

以庸

殷周鄉塾貢士 齊三選

北史劉景安曰殷周以鄉塾貢士 射義古天子制諸

侯歲獻

獻國事之書及計借物也

貢士於天子

三歲而貢士舊說云見上

尚書

大傳諸侯三年一貢士一適謂之好德再適謂之賢賢

三適謂之有功賜以車服弓矢再賜以秬鬯三賜以虎

賁號曰命諸侯 後漢左雄傳古者諸侯歲貢士進賢

受上賞非賢貶爵土升之司徒辨論其材 齊語正月

之朝鄉長復事君親問焉曰於子之鄉有居處好學慈

孝於父母聰慧質仁發聞於鄉里者有則以告又曰有
拳勇股肱之力秀出於衆者有則以告鄉長退而修德
進賢公親見之遂使役官令官長期書伐選其官之賢
者而用之公名與語訾相其質退問其鄉以觀其所能
升以為上卿之贊謂之三選

謂鄉長所進官長
所選公所訾相也

漢舉賢良方正極諫 文學 親策賢良三道

紀高祖十一年二月詔曰賢士大夫有肯從我游者吾
能尊顯之其有意稱明德者必身勸為之駕遣詣相國

府書行義年 文帝二年十一月癸卯晦日食詔曰適

見於天其悉思朕之過失以啓告朕及舉賢良方正能

直言極諫者以正朕之不逮十五年九月詔諸侯王公

卿郡守舉賢良能直言極諫者上親策之傳納以言

晁錯

傳詔有司舉賢良文學士錯在選中上親策詔之曰惟
十有五年九月壬子皇帝曰詔有司諸侯王三公九卿
及主郡吏各帥其志以選賢良明於國家之大體通於
人事之終始及能直言極諫者各有人數二三大夫之
行當此三道大夫其上三道之要及永惟朕之不德吏
之不平政之不宣民之不寧四者之闕悉陳其志錯對
曰平陽侯臣宙等所選賢良太子家令臣錯云云對策
者百餘人唯錯為高第選中大夫注三道國體人事直

言也 武帝建元元年冬十月詔丞相御史列侯中二千

石二十石諸侯相舉賢良方正直言極諫之士丞相綰

奏所舉賢良或治申商韓非蘇張之言亂國政請皆罷

奏可

建元中上招賢良公卿言鄧先

馮唐為楚相武

帝即位求賢良唐時年九十餘

嚴助郡舉賢良

百餘人帝善助對擢中大夫 轅固以賢良召公孫

弘傅帝初即位招賢良文學士弘年六十以賢良召為

博士 帝舉賢良文學之士前後百數董仲舒以賢良

對策制曰郡國諸侯公選賢良修絜博習之士欲聞大

道之要至論之極復策之曰詳延特起之士今子大夫

待詔百有餘人天子復冊之仲舒對策推明孔氏抑黜

百家立學校之官州郡舉 元光元年五月詔賢良曰賢

茂材孝廉皆自仲舒發之

良明於古今王事之體受策察問咸以書對著之于篇

於是董仲舒公孫弘等出焉

公孫弘傳元光五年復召賢良文學菑川國復推上

弘弘謝國人固推弘至太常上策詔諸儒制曰云云時對者百餘人太常奏弘第居下策奏擢為第一

昭帝始元元年閏月遣王平等五人持節行郡國舉賢

良問民所疾苦五年六月詔令三輔太常舉賢良各二

人郡國文學高第各一人

魏相舉賢良對策高第為茂陵令王吉舉賢良為昌邑

中六年二月詔有司問郡國所舉賢良文學民所疾苦

議罷鹽鐵榷酤

始元中賢良唐生文學萬生之徒六十餘人咸聚闕庭

宣帝本

始元年四月庚午地震詔內郡國舉文學高第各一人

內史舉溫舒文學
高第遷右扶風丞

四年四月壬寅

地震

詔博問經學之士

令三輔太常內郡國舉賢良方正各一人地節三年三

月令內郡國舉賢良方正可親民者十月詔曰迺者九

月壬申地震有能箴朕過失及賢良方正直言極諫之

士以正不逮毋諱有司神爵四年四月令內郡舉賢良

可親民者各一人元帝初元二年三月詔曰二月戊

午地震丞相御史中二千石舉茂才異等直言極諫之

士

初元中王尊舉
直言遷統令

永光二年三月壬戌朔日食詔令內

郡國舉茂才異等賢良直言之士各一人

朱雲舉方正
為槐里令光

祿勳匡衡舉孔光
方正為諫大夫

成帝建始二年二月詔三輔內郡

舉賢良方正各一人三年十二月戊申朔日食地震詔

丞相御史將軍列侯中二千石及內郡國舉賢良方正

能直言極諫之士詣公車

谷永傳建始三年冬太常劉
慶忌舉永待詔公車對奏天

子特召見其夏皆令詣方正對策對者數十人永與杜
欽為上第杜欽傳合陽侯梁放舉欽史丹舉班苻

對策王音舉何武賢良
方正對策拜為諫大夫

河平四年三月癸丑朔日食

舉淳厚有行能直言之士鴻嘉二年三月詔舉淳厚有

行義能直言者元延元年七月詔以日食星隕公卿大

夫與內郡國舉方正能直言極諫者各一人北邊二十

二郡舉勇猛知兵法者各一人

何武為京兆尹坐舉方正召見槃辟雅拜左遷

紅陽侯立舉陳咸對策拜光祿大夫翟方進奏咸不當蒙方正舉並劾立選舉不以實太常舉房鳳方正

蕭由舉賢良為定陶令鴻嘉中王嘉舉淳朴能直言召見宣室對政事得失遷大中大夫平阿侯舉樓

護方正為永始三年正月己卯晦日食舉淳樸遜順有諫大夫

行義者各一人

燕玄詣公車對策高第拜為議郎

哀帝建平元年二

月舉孝弟淳厚能直言通政事可親民者各一人

扶陽

任韋育舉杜翽方正對策
賢良周護宋崇等對策

平帝元始元年五月丁

巳朔日食詔公卿舉淳厚直言

太鴻臚左咸舉譙玄
詣公車對策申屠剛

忠賢良方
正對策

後紀光武建武六年冬十月丁丑日食

勅公卿舉賢良方正各一人七年夏四月壬午日食

詔公卿司隸州牧舉賢良方正各一人 章帝建初

元年三月甲寅地震巳巳詔太傅三公中二千石郡

國守相舉賢良方正能極諫之士各一人五年二月

庚辰日食詔舉直言極諫能舉過失者各一人

趙熹舉魯

恭直言待詔公車

建初元年詔舉賢良方正大司

農劉寬舉魯丕時對策百餘人維丕在高第 衛尉

馬廖舉李育方正為議郎 太尉年融舉江革賢良

方正 司徒鮑昱舉鄭均直言不就將作大匠任隗

舉高鳳直言到公車 魯恭為中年今會詔百官舉

賢良方正恭薦中年名士王方名詣公車禮之與公

卿所

和帝永元六年三月丙寅詔三公中二千石

內郡守相舉賢良方正能直言極諫各一人

永元九年李法

應賢良方正對策除博士 郡及

大司農舉戴封對策第一拜議郎

安帝永初元年

三月癸酉日食詔公卿守相舉賢良方正有道術之士

明政術達古今能正言極諫各一人五年閏三月戊戌日食地震詔三公特進列侯中二千石郡守諸侯舉賢良方正有道術達政化能直言極諫之士各一

人

公卿舉樊英方正有道

楊厚郎顛張楷周燮皆

不就

蘇章安帝時舉賢良方正對策高第為議

郎

順帝延光四年九月京師大疫辛亥詔公卿守

相舉賢良方正直言極諫各一人陽嘉二年六月丁

丑地拆引公卿所舉純樸之士對策

李固馬融張衡以固為第一

漢安元年二月丙辰詔大將軍公卿舉賢良能探贖

索隱者各一人

冲帝建康元年九月地震庚戌詔

舉賢良方正之士

策問以皇甫規對為上第拜郎中
杜喬房植舉荀淑對策 法真

舉賢良
不就

桓帝建和元年四月庚寅詔舉賢良方正

直言極諫三年六月庚子

同

永興二年二月癸卯舉

各一人

司徒种暠舉劉淑賢良
方正對策為天下第一

延熹八年正月永康

元年五月皆以日食舉賢良方正

爰延舉賢良方正
再遷為侍中 太

尉舉孔昱方正對策不合
荀爽舉賢良方正對策

夏馥舉直言陳蕃舉方
張奐舉賢良對

策第一 延熹八年舉賢良方正
災異八千餘言 趙典舉有道方正

揚秉舉劉瑜對
賀純三舉賢良

不就 五行志注廣州先賢傳曰和帝
時策問陰陽不和方正薛林養奮對 靈帝

初

太尉黃瓊舉禮敷方正對策合時宜遷議郎
建寧二年舉有道之士謝弼對策拜郎中

孫

期郡舉方正不就 桓暄舉有道方正

許幼舉方正淳樸 董扶再舉賢良方正有道

不就

胡廣舉劉矩賢良方正

正 張範以方正拜議郎

前傳貢禹舉賢

良為河南令 疏受以賢良舉為太子家令

黃霸左馮翊宋畸舉霸賢良高第擢揚州刺

史 朱邑舉賢良為大司農丞 蓋寬饒舉

方正對策高第 周禮宰夫書其能者良者以告

于上注鄭司農云若今時舉孝廉賢良方正茂才異等

漢射策 甲科令

列傳蕭望之以射策甲科為郎注師古曰謂為難問疑義書之於策量其大小署為甲乙之科列而置之不使彰顯有欲射者隨其所取得而釋之以知優劣射之言投射也對策者顯問以政事觀其文辭定高下也 匡衡以射策甲科不應今除為太常掌故注

師古曰投射得甲科之策而所對之指不應令條是

不應甲科之令

史記褚先生曰匡衡數射策不中至九中丙科

兒寬以射

策為掌故 馬宮翟方進何武王嘉並以射策甲科

為郎 房鳳以射策乙科為太子掌故 儒林 召信

臣以明經甲科為郎 循吏 揚雄解嘲鄉使上世之

士處乎今策非甲科行非孝廉舉非方正獨可抗疏

時道是非高得待詔下觸聞罷又安得青紫 儒林

傳平帝時歲課甲科四十人為郎中乙科二十人為

太子舍人丙科四十人補文學掌故贊曰武帝設科射策後傳張元光武時顏氏博士缺試策第一拜博士徐防永元十四年上疏曰博士及甲乙策試宜從其家章句開五十難以試之論語不宜射策詔從防言李廵以為博士試甲乙科爭第高下更相告言乃刻石經爭者用息順帝紀陽嘉元年七月丙辰增甲乙科貢各十人

漢孝悌力田常貢

唐孝悌力田

見制舉

紀高帝二年二月舉民年五十以上能帥衆為善置
以為三老鄉一人擇一人為縣三老 惠帝四年正
月詔舉民孝弟力田者復其身 高后元年二月初
置孝弟力田二千石者一人注師古曰特置孝弟力
田官而尊其秩欲以勸厲天下令各敦行務本 文
帝十二年三月詔曰孝悌天下之大順也力田為生
之本也三老衆民之師也廉吏民之表也朕甚嘉此
二三大夫之行令萬家之縣云無應令是吏舉賢之

道未備也其遣謁者勞賜三老孝者帛人五匹悌者

力田二匹廉吏二百石以上率百石者三匹以戶口

率置三老孝悌力田常負令各率其意以道民

師古曰增

置其負廣教化也

武帝建元元年四月詔曰於鄉里先者艾

奉高年古之道也民年九十以上復子孫

復孝敬謂此也

元

朔元年十一月詔曰旅耆老復孝敬

董仲舒傳制曰勸孝悌崇有德

元狩元年四月詔曰朕嘉孝弟力田其遣謁者存問

致賜賜縣三老孝者帛人五匹鄉三老弟者力田帛

人三匹六年六月詔曰諭三老孝弟呂為民師舉獨
行之君子徵詣行在所 宣帝地節三年十一月詔

曰傳曰孝弟仁之本其令郡國舉孝弟有行義聞於
鄉里者各一人四年二月詔曰導民以孝則天下順

元康元年三月賜三老孝弟力田帛

元帝初元五年
四月永光二年

二月建昭五年三月賜帛 成帝建始元年二月
賜錢帛三年三月賜爵二級 綏和元年二月賜帛

成帝陽朔四年正月詔曰洪範八政以食為先先帝
勸農薄其租稅寵其彊力令與孝弟同科 哀帝建

平元年二月詔舉孝弟 傅晁錯對策曰尊賜孝悌

農民不租 馮唐以孝著為郎 文翁為蜀郡守學

官弟子高者補郡縣吏次為孝弟力田 黃霸

神爵四年

四詔潁川孝弟有行義民三老力田皆以差賜爵

及帛五鳳三年張敞言宜令貴臣明飭長吏守

丞歸告二千石舉三老孝弟力田孝廉廉吏務得其

人 韓延壽守左馮翊民有昆弟訟田延壽曰三老

孝弟受其恥 薛宣頻陽令薛恭本縣孝者功次稍

遷 嚴詔本以孝行為官拜為美俗使者

明帝中元二年四月丙辰賜三老孝悌力田爵人
三級注三者皆鄉官之名三老高帝置孝悌力田
高后置 章帝元和二年二月乙丑詔曰三老尊
年也孝弟淑行也力田勤勞也國家甚休之其賜
帛人一匹勉率農功

韓信家貧無行不得推擇為吏 陳湯自貧無節
不為州里所稱舉茂才待遷司隸奏湯無循

行

虞詡年十二縣舉順孫國相奇之 趙咨延熹元
年舉至孝有道遷博士 江革元和中天子思革
至行制詔齊相曰夫孝百行之冠衆善之始也縣
以見穀千斛賜巨孝

任子及博士弟子猶有課試之法力田孝廉止從察
舉猶有周人鄉遂之意

漢舉孝廉 四科

紀文帝十二年賜孝悌廉吏帛

馮唐以孝著為郎中

武帝元光

元年十一月初令郡國舉孝廉各一人

董仲舒對策請令諸侯郡守二

千石各擇吏民之賢者歲貢各二人以給宿衛故州郡舉茂才孝廉皆自仲舒發之猶有鄉舉里選諸侯貢士之遺法廉為已仕孝為未仕者元朔元年冬十一月詔曰朕旅耆老

復孝敬選豪俊講文學稽參政事祈進民心深詔執事

興廉舉孝庶幾成風紹休聖緒夫十室之邑必有忠信

三人並行厥有我師今或闔郡而不薦一人是化不下

究而積行君子雍於上聞也其與中二千石禮官博士

議不舉者罪有司奏議曰不舉孝不奉詔當以不敬論
不察廉不勝任也當免奏可

孝與廉待之有輕重故法有輕重 後漢陳忠曰孝

廉之貢發於孝武

宣帝地節三年十一月詔令郡國舉孝弟

有行義聞於鄉里者各一人 傳張敞奏明飭長吏舉

孝廉廉吏務得其人 孟喜王吉京房蓋寬饒王駿師

丹杜鄴鮑宣馮諱遂並以孝廉為郎 龔勝為郡吏三

舉孝廉 路溫舒劉輔舉孝廉為丞令 劉茂察孝廉

再遷五原屬國侯 後紀章帝建初元年三月詔曰鄉

舉里選必累功勞今刺史守相不明真偽茂才孝廉
歲以百數既非能顯而當授之政事甚無謂也前世
舉人貢士或起剛畝不繫閱其令太傅三公二千
石舉賢良方正直言極諫之士各一人夏五月辛酉
初舉孝廉郎中寬博有謀任典城者以補長相 和
帝永元七年四月詔曰舊典因孝廉之舉以求其人
云云悉以所選郎出補長相十三年十一月丙辰詔
幽并涼州戶口率少邊役衆劇良吏進仕路狹撫接

夷狄以人為本其令緣邊郡口十萬以上歲舉孝廉

一人不滿十萬二歲一人五萬以下三歲一人

從丁
鴻劉

芳之請也 孝廉之始得也人
務本行其終失也計口繆舉

安帝永初二年九

月庚子詔王主官屬墨綬下至郎謁者其經明任博

士居鄉里有廉清孝順之稱才任理人者國相歲移

名與計偕上尚書公府通調令得外補元初六年二

月地震壬子詔選孝廉郎寬博有謀清白行高者五

十人補令長丞尉 順帝即位十二月甲申令郡國

守相視事未滿歲者一切得舉孝廉吏

注漢法視事
滿歲乃得舉

陽嘉元年十一月辛卯初令郡國舉孝廉限年四十
以上諸生通章句文吏能牋奏乃得進選其有茂才
異行若顏淵子奇不拘年齒閏月丁亥令諸以詔除
為郎年四十以上課試如孝廉科者得參廉選歲舉
一人 桓帝本初元年七月丙戌詔曰孝廉廉素皆當
典城宰民禁姦舉善興化之本其令秩滿百石十歲
以上有殊才異行迺得參選杜絕邪偽請託之原令

廉白守道者得信其操 百官志凡郡國歲盡遣吏
上計并舉孝廉郡口二十萬舉一人 列傳丁鴻時
大郡口五六十萬舉孝廉二人小郡二十萬并有蠻
夷者亦舉二人帝以為不均下公卿會議鴻與司空
劉防上言自今郡國率二十萬口歲舉孝廉一人四
十萬二人至百二十萬六人不滿二十萬二歲一人
不滿十萬三歲一人從之 樊儵永平元年上言郡
國舉孝廉率取年少能報恩者宿大賢多見廢棄宜

勅郡國簡用良俊顯宗從之 左雄陽嘉元年太學

新成雄上言郡國孝廉古之貢士出則宰民宣協風
教孔子曰四十而不惑禮稱強仕請自今孝廉年不
滿四十不得察舉皆先詣公府諸生試家法文史課
牋奏副之端門練其虛實以觀異能若有茂才異行
自可不拘年齒帝從之
胡廣獻曰可宣下百官
參其同異帝卒用雄奏於是
頒下郡國明年有廣陵孝廉徐淑年未及舉臺郎疑
而詰之對曰詔書有如顏回子奇不拘年齒雄詰之

曰顏回聞一知十孝廉聞一知幾淑無以對乃遣還郡於是濟陰太守胡廣等十餘人皆坐繆舉免黜唯汝南陳蕃潁川李膺下邳陳球等三十餘人得拜郎中自是牧守畏慄莫敢輕舉迄于永嘉察選清平多得其人張衡為太史令陽嘉二年六月對策自初舉孝廉迄今二百歲皆先孝行行有餘力始學文法卒外詔書一以能誦章句結奏案為限雖有至孝不當其科所謂捐本而求末者也黃瓊為尚書令以雄前

所上孝廉之選專用儒學文吏於取士之義猶有所

遺乃增孝廉及能從政者為四科

通鑑漢安二年廉作悌

又雄

前議舉吏先試之於公府又覆之於端門後尚書張
盛奏除此科瓊復上言覆試之作將以覆實虛濫不
宜改革帝乃止論曰漢初詔舉賢良方正州郡察孝

廉秀才斯亦貢士之方也

百官志注決錄注云故事尚書郎以今史久缺補之

世祖始改用孝廉為郎以丁郎補馮郎稱病不就詔問實病蓋為郎乎對曰臣實不病耻以孝廉為令史耳世祖怒杖之數十詔問欲為郎否對曰能殺臣者陛下不能為郎者臣詔遣出竟不為郎

中興

以後復增敦朴有道賢能直言獨行高節質直清白
敦厚之屬榮路既廣缺望難裁自是竊名偽服浸以
流競權門貴仕請謁繁興自左雄任事限年試才雖
頗有不察固亦因識時宜而黃瓊胡廣張衡崔瑗之
徒泥滯舊方互相詭駁循名者屈其短筭實者挺
其効故雄在尚書天下不敢妄選十餘年間稱為得
人 胡廣順帝時尚書令左雄議改察舉之制廣與
尚書郭虔史敞上書駁之不從 周防韋彪包咸陳

龜唐檀杜根高彪

郡舉孝廉
試經第一

舉為郎中江革鍾興楊仁

張元崔琦徐防桓彬桓典舉為郎周嘉雷義舉為尚書

侍郎謝夷吾第五訪劉寵劉梁劉陶舉為令長劉平鍾

離意第五倫董鈞宋意鄭弘袁安曹褒魏霸張敏程曾

周磐

誦詩至汝墳之卒章
乃解韋帶就孝廉舉

張霸周章許荆龐參葛龔左

雄王龔李邵陳禪陳蕃杜喬李膺朱穆陳球劉祐宗慈

檀敷羊陟賈彪延篤吳祐范滂尹勳劉矩孟嘗王脩荀

或陳重應劭許慎服虔傅燧臧洪皆舉孝廉 法雄察

胡廣孝廉到京師試以章奏安帝以為天下第一江

革永平中舉孝廉為郎元和中天子思革至行制詔齊
相曰夫孝百行之冠衆善之始也國家每推志士未嘗

不及革 种暘始為縣門下史河南尹田歆謂王湛曰

今當舉六孝廉多得貴戚書命不宜相違欲自用一名
士以報國家湛見暘異之白歆曰得孝廉矣近洛陽門
下史也 舉孝廉不就者劉昆趙孝淳于恭張衡周燮

蔡順戴良張綱黃憲种岱孔季彥周勰穎容王烈王暢

楊彪桓晁趙咨向栩而四察孝廉皆不應者徐穉也

禮宰夫注若今舉孝廉賢良方正茂才異等䟽孝廉謂
孝弟廉潔賢良即良者謂有賢行而良善也方正方幅
正直者茂才漢光武諱秀時號為茂才即能者也云異
等者四科不同等級各異故云異等 鄉大夫注變舉
言興者謂合衆而尊寵之疏文王世子云或以事舉或
以言揚故今貢人皆稱舉 魏志黃初二年正月乙亥
初令郡國口滿十萬者歲察孝廉一人其有秀異無拘

戶口 華歆傳三府議舉孝廉本以德行不復限以試
經歆以為恐學業從此而廢 通典魏黃初三年 正月

庚午 始除漢限年之制令郡國所選勿拘老幼儒通經

術吏達文法到皆試用

晉袁宏曰古者四十而仕非謂
仕必是年也舉其大限耳顏淵

子奇曠代一有而欲
以斯為格不亦偏乎

漢察廉

紀文帝十二年詔廉吏民之表也朕甚嘉此二三大夫
之行今萬家之縣云無應令詔賜三老孝悌廉吏帛有

差 景帝後元二年五月詔其唯廉士寡欲易足今訾
筭十以上迺得官廉士筭不必衆云云訾筭四得官亡
令廉士久失職 宣帝黃龍元年夏四月詔曰舉廉吏
欲得其真也六百石位大夫毋得舉 平帝元始元年
正月令宗室其為吏舉廉佐史補四百石 傳趙廣漢
為平準令察廉為陽翟令朱博以太常掾察廉補安陵
丞薛宣以大司農斗食屬察廉補不其丞光祿勳于永
除王嘉為掾察廉為南陵丞復察廉為長陵尉馮遂太

常察孝廉為郎平當以大鴻臚文學察廉為順陽長

此九

卿察廉也

御史大夫魏相除蕭望之為屬察廉為治禮丞班

彪察司徒廉為望都長

此三公察廉也

黃霸察補河東均輸長

復察廉為河南太守丞王尊以幽州刺史從事察廉補

鹽官長尹賞以郡吏察廉為樓煩長瑯邪守趙貢察薛

宣廉遷都尉丞尹翁歸以督郵舉廉為緱氏尉弘農都

尉張敞以太守卒史察廉為甘泉倉長嚴延年察獄史

廉坐選舉不實貶秩

此郡國察廉也

池陽令舉廉吏獄掾王立

此縣道
察廉也

韓安國所推舉皆廉士賢於已者於梁舉壺遂

臧固

張敞奏宜明飭長吏舉孝廉廉吏務得其人

天子

名上計吏使
侍中臨飭

光武詔三公中二千石歲察廉吏一人

凡郡國守相視事未滿歲不得察廉以未久不周知也

漢舉茂才 建武詔書

紀武帝元封五年名臣文武欲盡詔曰跡弛之士在御之而已今州郡察吏民有茂才異等可為將相及使絕

國者

注應劭曰舊言秀才避光武諱
傅子曰元封五年舉秀才

宣帝元康四年

正月遣太中大夫彊等十二人循行天下存問寡衆覽

觀風俗察吏治得失舉茂才異倫之士 元帝初元二

年三月詔舉茂才異等直言極諫之士 陳湯 元光元年

三月壬戌朔詔郡國舉茂才異等賢良直言之士各一

人 薛宣 建昭四年夏四月詔舉茂才特立之士 漢官

目錄建武十二年八月乙未詔書三公舉茂才各一人

廉吏各二人光祿歲舉茂才四行各一人察廉吏三人

中二千石歲察廉吏各一人廷尉大司農各二人將兵將軍歲察廉吏各二人監察御史司隸州牧歲舉茂才各一人 列傳董仲舒對策推明孔氏立學校之官州郡舉茂才孝廉皆自仲舒發之 陳湯得大官獻食丞元帝詔列侯舉茂才張勃舉湯湯有罪勃坐削戶二百

薛宣幽州刺史舉茂才 馮遂光祿勳舉茂才 龔

勝州舉茂才為重泉令 趙廣漢舉茂才 賈捐之薦楊興曰明詔舉茂才列侯以為首 蕭咸為丞相史尹

賞為樓煩長舉茂才 師丹建始中州舉茂才復補博

士 後傳牟融以司徒茂才為豐令 班彪舉司隸茂

才拜徐令 王渙舉茂才除温令 孟嘗策孝廉舉茂

才拜徐令 王堂舉光祿茂才 楊震周舉崔瑗應奉

皇甫嵩葛龔陳重皆舉茂才 种岱桓曄趙典楊彪

舉茂才不就 徐穉三舉茂才不就 張儉舉茂才

以刺史非人不起 黃琬傳稍遷五官中郎將時陳

蕃為光祿勳數議事舊制光祿舉三署郎以高功久

次才德尤異者為茂才四行然權富子弟多得舉而
貧約守志者見遺京師謠曰欲得不能光祿茂才於
是琬蕃同心顯用志士平原劉醇河東朱山蜀郡殷
參等並以才行蒙舉 周禮鄉大夫興賢者能者注
鄭司農云興賢者若今之舉孝廉興能者若今舉茂
才

漢察舉

文翁傳通春秋以郡縣吏察舉為蜀守蜀生皆成就以

為右職用次察舉官有至郡守刺史者

漢計偕

貢舉簿

紀武帝元光五年八月徵吏民有明當世之務習先聖之術者縣次給食令與計偕注師古曰計者上計簿使也令所徵之人與上計者俱來後世誤謂上計為計偕闕駟妄解云秦漢謂諸侯朝使曰計偕偕次也晉代有計偕簿又改偕為階失之遠

又見功令

後紀明帝永平九

年四月甲辰令司隸部刺史歲上墨綬長吏視事三歲

以上治狀尤異者各一人與計偕上注與計吏俱上

和帝永元十四年初復郡國上計補郎官注武帝令郡國舉孝廉各一人與計偕拜為郎中中廢今復之 安

帝永初二年九月庚子詔王官屬墨綬下至郎謁者其經明任博士居鄉里有廉清孝順之稱才任理人者國相歲移名與計偕上尚書公府通調令得外補 禮記

射義諸侯歲獻貢士於天子注歲獻獻國事之書及計偕物也三歲而貢士舊說云大國三人次國二人小國

一人疏漢時謂郡國送文書之使為計吏其貢獻之物與計吏俱來故謂之計偕物 漢舊儀御史大夫敕上

計丞長史曰郡國有茂才不顯者言 續志郡國歲盡

遣吏上計并舉孝廉郡口二十萬舉一人 上計今計吏也前書音義

曰舊制使郡丞奉歲計 郡國志注案今計偕簿 朱買臣隨上

計吏上書 文翁買蜀刀布齎計吏遺博士 黃霸召

上計吏使侍中臨飭 范式長沙上計掾到京師上書

表式行狀三府並辟 劉翊皇甫規舉上計掾 王逸

元初中舉上計吏為校書郎 度尚為郡上計吏拜郎
中 許靖舉計吏 龐參為太尉時當會茂才孝廉參
以被奏稱疾不得會上計掾廣漢段恭因會上疏 楊
秉桓帝時郡國計吏多留拜為郎秉上言三舍見郎七
百餘人自此計吏無復留拜者 趙壹光和元年舉郡
上計 光和三年帝問刺史計吏以征討方畧漢中上
計程包對云 韋誕建安中為郡上計吏拜郎中 吳
志注志林曰案會稽貢舉簿建安十二年至十三年闕

無舉者

漢博士弟子員 功令 太常品式

武紀元朔五年夏六月詔太常其議予博士弟子崇鄉黨之化呂厲賢材焉丞相弘請為博士置弟子員學者益廣 儒林傳公孫弘為學官悼道之鬱滯廼請白丞相御史言制曰蓋聞導民以禮風之以樂婚姻者居室之大倫也今禮廢樂亡朕甚愍焉故詳延天下方聞之士咸登諸朝

立學校之官
自仲舒發之

其令禮官勸學講議洽聞舉

遺興禮以為天下先太常議興博士弟子崇鄉里之化

以厲賢材焉

師古曰自此以上弘所引詔文

謹與太常臧博士平等議

曰聞三代之道鄉里有教夏曰校殷曰序周曰庠其勸善也顯之朝廷其懲惡也加之刑罰故教化之行也建首善自京師始繇內及外今陛下昭至德開大明配天地本人倫勸學興禮崇化厲賢以風四方太平之原也古者政教未洽不備其禮請因舊官而興焉為博士官置弟子五十人復其身太常擇民年十八以上儀狀端

正者補博士弟子

皆太常所補也 詔書既曰崇鄉黨之化則太常所補不過取諸闕中而已

郡國縣官有好文學敬長上肅政教順鄉里出入不悖

所聞令相長丞上屬所二千石謹察可者常與計偕詣

太常得受業如弟子

此郡國所擇也

一歲皆輒試

一作課

能通一

藝以上補文學掌故缺其高第可以為郎中者太常籍

奏即有秀才異等輒以名聞其不事學若下材及不能

通一藝輒罷之而請諸能稱者臣謹案詔書律令下者

明天人之際通古今之誼文章爾雅訓辭深厚恩施甚

美小吏淺聞弗能究宣亡以明布諭下以治禮掌故以

文學禮義為官遷留滯請選擇其秩比二百石以上及

吏百石通一藝以上補左右內史大行卒史

注師古曰左右內史

後為左馮翊右扶風大行今後為大鴻臚

比百石以下補郡太守卒史皆各

二人邊郡一人先用誦多者不足擇掌故以補中二千

石屬文學掌故補郡屬備員請著功令

師古曰新立此條請以著於功

令功令篇名若今選舉令

他如律令制可自此以來公卿大夫士吏

彬彬多文學之士矣昭帝時舉賢良文學增博士弟子

員滿百人宣帝末增倍之元帝好儒能通一經者皆復數年間以用度不足更為設員千人郡國置五經百石

卒史

初元五年罷博士弟子毋置員以廣學者永光三年冬復博士弟子員

成帝末或言

孔子布衣養徒三千人今天子太學弟子少於是增弟子員三千人歲餘復如故贊曰自武帝立五經博士開弟子員設科射策勸以官祿訖於元始百有餘年傳業浸盛一經說至百餘萬言大師衆至千餘人王式傳唐生褚生應博士弟子選詣博士樞衣登堂頌禮甚嚴試

誦說有法諸博士問何師對曰事式共薦式為博士

列傳文翁選郡縣小吏十餘人遣詣京師受業博士

循吏

終軍選為博士弟子至府受遣 兒寬呂郡國選詣

博士受業孔安國 張湯請博士弟子治尚書春秋補

廷尉史

蕭望之呂令詣太常受業

即功令

杜業為太

常選舉不實免 何武詣博士受業 鮑宣下廷尉獄

博士弟子王咸舉幡大學下曰救鮑司隸者會此下

息夫躬為博士弟子受春秋 表山陽侯張當居元朔

五年坐為太常擇博士弟子不以實免

史記擇
作程

後傳

伏湛成帝時以父任為博士弟子 伏恭太常試經第

一拜博士 史記太史公曰余讀功令至於廣厲學官

之路未嘗不廢書而嘆也大事記前此博士雖以經授

徒而無考察試用之法至是官為置弟子員所謂興太

學也 通典後漢本初元年詔大將軍以下至六百石

悉遣子弟就學建和初詔諸學生課試補官永壽二年

課試補郎舍人建安中侍中鮑衡奏公卿至六百石子

弟為郎舍人皆聽詣博士受業其高才秀達學通一藝
太常為作品式從之

漢博士選三科

孔光傳成帝時博士選三科高為尚書次為刺史其不
通政事以久次補諸侯大傅光以高第為尚書觀故事
品式數歲明習漢制及法令上信任之 成紀陽朔二
年九月詔儒林之官四海淵源宜皆明於古今溫故知
新通達國體故謂之博士丞相御史其與中二千石二

千石雜舉可充博士位者 後官志太常每選試博士
奏其能否 後傳蔡茂哀平間召試博士對策陳災異
以高第擢拜議郎 翟酺安帝時尚書有缺詔將大夫
六百石以上試對政事天文道術以高第補之酺對第
一 王暢時政事多歸尚書特詔三公令高選庸能

漢舊儀漢刺史察六條舉民有茂材移名丞相丞相考
名取三科明經一科明律令一科能治劇一科各一人
魏明帝太和二年六月詔高選博士才任侍中常侍者

漢光祿四行

紀元帝永平元年二月詔丞相御史舉質樸敦厚遜讓有行者光祿歲以此科第郎從官歲舉二人注師古曰始令丞相御史舉此四科人擢用之而見在郎及從官又令光祿每歲依此例考校定其第高下用

知其人賢否

何武為郎光祿勳舉四行連郭令師古注永光元年匡衡為光祿勳舉王駿

有專對才孔光方正

成帝河平四年三月舉淳厚有行能直

言之士鴻嘉二年三月詔舉敦厚有行義能直言者

冀聞嘉謀匡朕之不逮

王嘉鴻嘉中舉敦朴能直言召見宣室

永始三

年正月日食詔遣太中大夫嘉等循行天下與部刺

史舉淳樸遜讓有行義者各一人

譙玄舉淳樸行義對策高第拜議郎

哀帝建平元年二月詔舉孝悌敦厚 平帝元始

元年五月丁未朔日食舉敦厚能直言者各一人

大鴻

臘左成舉燕玄
詣公車對策

後紀光武建武十二年八月乙未

詔光祿歲舉郎茂才四行各一人

漢官目錄見百官志注 通典

安帝元初六年二月壬子詔光祿勳與中郎將選孝

廉郎寬博有謀清白行高者五十人 後傳吳祐以

光祿四行遷膠東侯相注漢官儀曰敦厚質樸遜讓

節儉也 范滂舉孝廉光祿四行 李固陽嘉二年

公卿舉固對策

續漢書曰詔公卿舉敦樸之士衛尉賈建舉固 六月丁丑李固馬融張

衡對策以固為第一

舊任三府選今史光祿試尚書郎時皆特

拜不復選試固言選舉可歸有司復與光祿勳劉宣

上言選舉牧守多非其人 馬融舉敦樸名詣公車

對策於北宮端門拜議郎 張儉舉敦樸公車特徵

拜少府 杜林建武十一年為光祿勳選舉稱平

魯恭遷光祿勳選舉稱平 陳忠為尚書舉光祿

郎周興孝友之行清厲之志 陳蕃延熹六年為光

祿勳與五官中郎將黃琬共典選舉不偏權富 黃

琬舊制光祿舉三舍郎以高第久次才德尤異者為

茂才四行琬與蕃同心顯用志士 志光祿勳卿一

人典謁署郎更直執戟宿衛門戶考其德行而進退

之 爰盜為中郎將徙張釋之謁者則郎之進退

將調之也爰盜調隴西都尉則將之進退光祿
勲調之也周宮正以時比宮中之官府稽其
功緒糾其德行宮伯掌王宮之士庶子行其秩
序

漢辟士四科 建武詔書

和紀注漢官儀曰建初八年十二月己未詔書辟士四
科一曰德行高妙志節清白二曰學通一作經明行修經中

一作能任博士三曰明達文法一作曉足以決疑能案章覆

問文中

一作任

御史四曰剛毅多畧遺事不惑明足以照

奸勇足以決斷才任三輔令皆存孝悌清公之行

文選注云

三輔劇縣令

自今以後審四科辟召務盡實校試以職考選

有非人不習曹事正舉者故不以實法 百官志太尉

長史署諸曹事掾史屬二十四人注漢官儀曰世祖詔

方今選舉賢佞朱紫錯用丞相故事四科取士

同和漢紀注

官目錄曰建武十二年八月乙未詔書三公舉茂材各

一人廉吏各二人光祿歲舉茂材四行各一人察廉吏

三人中二千石歲察吏各一人廷尉大司農各二人
將兵將軍歲察廉吏各二人監察御史司隸州牧歲
舉茂才各一人漢舊儀故事丞相設四科之辟以博
選異德為上稱量不宜者還故官第一補西曹南閣
祭酒二科補議曹三科補四辭八奏四科補賊決胡
廣曰漢武丞相設四科之辟德行高妙為第一補南
閣祭酒 文選永明策秀才文注崔寔政論云詔書
故事三公辟名以四科取士一曰德行志節二曰經

學
通行修三曰明曉法令四曰剛毅多畧才任三輔

劇縣令 通典元光元年舉賢良董仲舒請令諸侯

列卿郡守二千石歲貢各二人以給宿衛於是令郡

國舉孝廉各一人又制郡國口二十萬以上歲察一

人四十萬以上二人六十萬三人八十萬四人百萬

五人百二十萬六人不滿二十萬二歲一人不滿十

萬三歲一人限以四科一曰德行

云云同漢官儀

章帝建初

元年

紀二月己巳是年正月詔二十石謹選舉

鄉舉里選必累功勞今刺

史守相不明真偽茂才孝廉歲以百數既非能顯而當授之政事甚無謂也始復用前漢丞相故事以四科辟士凡所舉事先試之以職乃得充選注元光初武帝因董仲舒之言立制故事在丞相府今復用

之第一科補西曹南閣祭酒

云云同漢舊儀案四科取士通典以為元光

和紀注作建初官志注作世祖未知孰是

後黃瓊以孝廉用儒學文吏猶

有遺乃奏增孝悌及能從政者為四科

非前四科比

紀

章帝建初五年五月辛亥詔曰朕思遲直士側席異

聞其先至者欲置左右建武詔書又曰堯試臣以職
不直以言語筆札今外官多曠並可補任 和帝永
元五年三月戊子詔曰選舉良才為政之本科別行
能必由鄉曲郡國舉吏先帝明敕在所令試之以職
乃得充選宣布以來出入九年二千石曾不奉命

注引

漢官儀
見上

志漢官曰太常負吏八十五人其十二人

四科光祿勳負吏四十四人其十人四科衛尉負吏
四十一人其九人四科太僕負吏七十人其七人四

科廷尉貲吏百四十人其十一人四科大鴻臚貲吏
五十五人其六人四科治禮郎四十七人其四人四
科宗正貲吏四十一人其六人四科大司農貲吏百
六十四人其十八人四科少府員吏三十四人
其一人四科執金吾員吏二十九人其十人四

科

漢官儀博士舉狀曰行應四科
經任博士書其板舉主保之

御史大夫

貢禹除諸葛豐為屬張忠辟孫寶魏相除蕭望
之為屬大司馬王商辟鮑宣薦為議郎大司空

何武除宣西曹掾此以德行志節舉者也御史大夫
蕭望之除薛廣德為屬大司馬史高辟匡衡為議曹
史丞相方進除李尋為史大司馬根奏房鳳補長史
王商位特進得舉史除杜鄴主簿此以經學舉者也
張湯為甯成掾以無害言大府丞相武安侯召湯為
史薦補侍御史廷尉湯召兒寬為掾廷尉光請路温
舒署奏曹掾嚴延年除御史掾鄭賓以明律令為御
史薛宣以明習文法補御史中丞此以文法舉者也

大將軍鳳薦薛宣為長安令請王尊補軍中司馬大司
空武舉何並能治劇為長陵令左馮翊宣舉尹賞能治
劇為頻陽令大司徒馬宮舉陳遵能治三輔劇縣拜郁
夷令原涉為大司徒史舉能治三輔為谷口令此以才
畧舉者也

四科以德行志節辟者若司徒侯霸辟閔仲叔鍾離意
楊震辟杜喬胡廣辟李膺杜密大司馬吳漢辟王良周
澤辟大司馬府為議曹祭酒太尉楊賜辟趙咨宋田辟

何敞驃騎將軍蒼開東閣延賢俊辟荀恁朱暉等大將
軍隲辟楊震太尉府辟趙孝范冉司徒府辟陳重其三
府更辟不應者楊倫三公辟不就者高獲五府連辟不
應者黃瓊張楷李固劉淑荀爽徐穉五辟宰府不應宗
慈鐘皓九辟公府不就而陳寔紀湛公府同辟羔鴈成
羣以經行辟者如周榮董鈞桓榮皆辟於司徒牟長陳
元尹敏鄭衆皆辟於司空周防任安皆辟於太尉東平
王蒼辟吳良為西曹薦其學通師法經任博士行中表

儀以為議郎太傅趙燾辟魯恭以文法辟者衛颯舉能
案劇為侍御史郭躬以明法律辟公府司徒鮑昱辟陳
寵為辭曹司徒桓虞辟李恂拜侍御史劉愷舉陳忠明
習法律宜備機密司隸鮑永辟鮑恢都官從事張綱王
允桓典楊球辟司徒府高第种嵩羊陟辟太尉府高第
朱穆辟大將軍高第並為御史以才畧辟者李善以能
治劇守日南袁安以能治劇守楚郡韋義舉治劇為廣
都長法雄舉治劇為平氏長王堂以治劇為巴郡守陳

寔以理劇為聞喜長賈琮以能吏為交趾刺史皆公府

辟舉

劇今伏恭細陽令陳重及魯恭繆彤皆舉尤異

刺史所辟若王充陳禪

州辟治中從事周景辟陳蕃別駕從事

豫州刺史王允辟荀爽孔融為

從事

太守所辟若韓崇召蔡順為東閤祭酒劉授召

黃香為門下孝子梁湛召繆彤為決曹掾縣令所

辟若外黃令以爰延為廷掾范丹為功曹考城令以

仇覽為主簿張酺曰三府辟吏多非其人

司隸校尉晏祖

秦令三府各案其掾

漢舉獨行 有道 至孝

武紀元狩六年六月詔舉獨行之君子徵詣行在所朕

甚喜賢者樂知其人士有特招使者之任也

遣博士大夫循行天下

後逸民傅光武側席幽人求之若不及旌帛蒲車之

所招賁相望於岩中薛方逢萌聘而不肯至嚴光周黨

王霸至而不能屈所謂舉逸民而天下歸心肅宗亦禮

鄭均召高鳳以成其節 方術傳郭憲光武求有道之人

徵拜博士 李南舉有道不行 紀 兼列 安帝建光元

年三月尚書陳忠薦隱逸及直道之士周燮杜根等四
月令公卿下至郡國守相各舉有道之士一人詔拜有
道高第士施延為侍中 桓帝元嘉元年十一月辛巳
地震詔公卿郡國舉至孝獨行之士涿郡舉崔寔詣公
車不對策延熹元年大司農舉趙咨至孝有道遷博士
九年正月辛亥朔日食詔公卿校尉郡國舉至孝太常
趙典舉荀爽至孝對策 靈帝建寧元年五月丁未朔
日食詔公卿及郡國守相舉有道之士各一人二年舉

謝弼對策除郎中 樊英揚厚郎顛荀爽宗慈郭泰申
屠蟠趙晁舉有道不就 侯瑾張芝公車有道徵不到
徐穉四舉有道不就 周磐以有道特徵 唐高適
舉有道科 李白州舉有道不應

漢舉將帥 勇猛

紀成帝元延元年七月詔北邊二十二郡舉勇猛知兵法者各一人 哀帝建平四年八月詔將軍中二千石
舉明兵法有大慮者 平帝元始二年秋舉勇武有節

明兵法郡一人詣公車 史記任安田仁為衛將軍舍
人有詔募擇將軍舍人以為郎少府趙禹悉召舍人百
餘人以次問之曰獨此兩人可耳詔召見問能畧使安
護北軍仁護田穀於河上 列傳路溫舒遷右扶風丞
詔書令公卿選可使匈奴者溫舒上書願給廝養下問
狀罷歸 趙充國本始中舉可先行羌者辛武賢 段
會宗竟寧中五府舉為西域都護 馮奉世宣帝時選
可使外國者前將軍增舉奉世帝召見韓增曰賀將軍

所舉得其人 後紀安帝永初五年七月己巳詔三公

特進九卿校尉舉列將子孫明曉戰陳任將帥者建光

元年十一月癸卯詔三公特進侯卿校尉舉武猛堪將

帥者各五人 順帝永和三年九月丙戌令大將軍三

公各舉故刺史二千石及見令長郎謁者四府掾屬剛

毅武猛有謀謨任將帥者各二人特進卿校尉各一人

司隸左雄舉馮直大長秋良賀無所薦 漢安元年十一月癸卯詔大將軍

三公選武猛試用有効驗任為將校者各一人 靈帝

中平元年三月壬子舉明戰陣之畧者詣公車 傳滕

撫建康二年朝廷博求將帥三公舉撫有文武才拜為

九江都尉 應奉四府舉才堪將帥永興元年拜武陵

守 皇甫規延熹四年冬三公舉為中郎將規薦張奐

才畧宜正元帥 崔寔詔三公舉威武謀畧之士司空

黃瓊薦寔拜遼東守 宣帝本始元年四月庚午

詔內郡國舉文學高第各一人注韋昭曰中國為

內郡緣邊有夷狄障塞者為外郡成帝時內郡舉

方正北邊二十二郡舉勇猛士 光武建武三年
詔書求天下義士孫福言劉茂召拜議郎 晉武
泰始五年十二月詔州郡舉勇猛秀異之才七年
六月詔公卿以下舉將帥各一人 馬隆傳泰始中將
興伐吳之役下詔曰吳會未平宜得猛士以濟武功雖
舊有薦舉之法未足以盡殊才其普告州郡有壯勇秀
異才力傑出者皆以名聞將簡其尤異擢用之兖州舉
隆才堪良將稍遷司馬督 謝玄傳朝廷求文武良將

可以鎮禦北方者安以立應舉 魏太和二年十月詔
公卿近臣舉良將各一人

漢舉宗室茂材

昭紀始元二年春正月以宗室母在位者舉茂材劉辟

彊劉長樂皆為光祿大夫辟彊守長樂衛尉

傳云擇宗室可用者

辟彊子德侍

詔丞相府

漢郡國選行義

紀昭帝元鳳三年三月賜郡國所選有行義者涿郡韓

福等五人帛人五十匹遣歸詔曰朕閔勞以官職之事
其務修孝悌以教鄉里令郡縣常以正月賜羊酒 宣
帝地節三年十一月詔令郡國舉孝弟有行義聞於鄉
里者各一人

漢郡國貢舉 貢舉制

韋彪傳章帝時

通鑑元和
元年六月

陳事者多言郡國貢舉率非

功次詔下公卿朝臣議彪為大鴻臚上議曰國以簡賢
為務賢以孝行為首其要在選二千石二千石賢則貢

舉得人 胡廣傳上書曰漢承周秦兼覽殷夏參雜霸軌貢舉之制莫或回革 蔡邕傳曰孝武世郡舉孝廉又有賢良文學之選名臣輩出文武並興漢之得人數路而已 前鮑宣傳曰龔勝為司直郡國皆謹選舉唐書薛登曰漢世求士必觀其行士自脩為鄉里推舉然後府署交辟 北史劉景安曰兩漢由州郡薦才

漢明經

紀章帝元和二年五月戊申令郡國上明經者口十萬
以上五人不滿十萬三人 順帝陽嘉元年七月丙辰

試明經下第者補太學弟子 質帝本初元年四月

庚辰令郡國舉明經 通典桓帝建和初詔諸學生

年十六以上比郡國明經試次第上名高第十五人

上第十六人為中郎中第十七人為太子舍人下第

十七人為王家郎永壽二年甲午詔復課試諸生補

郎舍人其後復制學生滿二歲試通二經者補文學

掌故其不能通二經者須後試復隨輩試試通二經者亦得為文學掌故已為文學掌故者滿二歲試通三經者為太子舍人其不得第復試高者亦得為太子舍人舍人滿二歲試通四經者為郎中不得第者復試高者亦得為郎中郎中試通五經者補吏隨才而用其不得者復試第復高亦得補吏 前傳孔安國平當貢禹夏侯勝張禹並以明經為博士眭弘翟方進舉明經遷議郎蓋寬饒諸葛豐以明經為郡文學王嘉以明經射策甲

科為郎召信臣以明經甲科為郎龔遂以明經為官

後傳袁良舉明經為太子舍人

平帝時

戴憑郡舉明經召

試博士李業舉明經為郎魏應舉明經除濟陰王文學

張玄舉明經補弘農文學周榮董鈞舉明經劉寵以明

經舉孝廉 獻帝紀初平四年九月甲午試儒生四十

餘人上第賜位郎中次太子舍人下第罷之詔曰結童

入學白首空歸朕甚閔焉其依科罷者聽為太子舍人

注長安中謠曰裹衣褰裳當還故鄉聖主愍念悉用補

郎

漢舉隱士 見舉獨行

後李充傳延平中詔公卿中二千石舉隱士大儒特召
充為博士 易賁卦䷖ 漢聘隱士或乃用羔鴈玄纁蒲
輪駟馬豈止束帛之間

玉海卷一百十四

欽定四庫全書

子部

玉海卷一百十五

詳校官中書_臣張經田

主事_臣祁韻士覆勘

總校官進士_臣朱鈐

校對官主事_臣陳文樞

謄錄監生_臣張裕享

欽定四庫全書

玉海卷一百十五

宋 王應麟 撰

選舉

科舉

魏五經課試法

又見經解類

魏志文帝黃初五年夏四月立太學制五經課試之法置春秋穀梁博士明帝太和二年六月詔高選博

士才任侍中常侍者申敕郡國貢士以經學為先四年二月壬午詔博士課試擢其高第者亟用浮華者退之魏畧黃初元年之後備博士之負依漢甲乙以考課太學始開有弟子數百人大和青龍中諸生千數

魏九品中正 晉九品中正

通典

參通鑑

魏初

延康元年即黃初元年

尚書陳羣以為天朝選

用不盡人才乃立九品官人之法州郡皆置中正以

定其選擇州郡之賢有識鑒者為之區別人物第其
高下初陳羣以吏部不能審覈天下士故令郡國各
置中正州置大中正皆取本土之任朝廷官德充才
盛者為之使銓等級以為九品有言行修著則升之
道義虧缺則降之吏部憑之以補授行之浸久中正
或非其人奸弊日滋至晉武帝時太康五年劉毅上疏曰
夫中正定九品高下任意榮辱在手操人主之威福
奪天朝之權勢公無考校之責私無告訐之忌用心

百態營求萬端廉遜之風減爭訟之路開臣為聖朝
耻之蓋中正之設損政之道有八高下逐強弱是非
隨興衰一人之身旬日異狀上品無寒門下品無世
族一也置州都者本取州里清議咸所歸服將以鎮
異同一言議也今重其任而輕其人使是非之論橫
於州里嫌讎之隙結於大臣二也本立格之體為九
品者謂才德有優劣倫輩有首尾今使優劣異域首
尾倒錯三也陛下賞善罰惡無不裁之以法獨置中

正委一國之重無賞罰之防又禁人不得訴訟縱橫
任意無所顧憚諸受枉者抱怨積恨不獲上聞四也
一國之士多者千數或流徙異邦或取給殊方面猶
不識況盡其才而中正知與不知皆當品狀採譽於
臺府納毀於流言任已則有不識之弊聽受則有彼
此之偏五也凡求人才者欲以治民也今當官著効
者或附卑品而在官無績者更獲高叙是為抑功實
而隆虛名長浮華而廢考績六也官不同人事不同

聽今不狀其才之所宜而但第其九品以品取人或
非才能之所長以狀取人則為本品之所限徒結白
論品狀相妨七也九品所下不彰其罪所上不列其
善各任愛憎以植其私天下之人焉得不懈德行而
銳人事八也由此論之職名中正實為奸府事名九
品而有八損古今之失莫大於此臣愚以為宜罷中
正降九品棄魏氏之敝法更立一代之美制太尉汝
南王亮司空衛瓘亦請蕩除末法咸用土斷舉善進

才各由鄉論始平王文學李重以九品既除宜先開
移徙聽相并就則土斷之實行帝不能改 陳羣傳

制九品官人之法

傅子曰司空陳羣始立九品之制
郡置中正州置州都 孫楚謂班

固序往代賢智以九條
而陳羣依之以品生人

夏侯玄傳議曰銓衡專於臺

閣上之分也孝行存乎閭巷優劣任之鄉人下之叙也

自州郡中正品度官才未聞整齊豈非分叙參錯各失
其要之所由哉使官長各以其屬能否獻之臺閣臺閣
據能否之第參以鄉閭德行之次擬其倫比中正唯考

行迹別其高下審定革類勿使升降庶可靜風俗而審
官才矣 晉傳張軌泰始初中書監張華與軌論經義
及故事損益謂安定中正蔽善抑才美為之談以為二
品之精 劉毅以光祿大夫歸第司徒舉毅為晉州大
中正尚書以毅致仕不宜勞以碎務孫尹表曰司徒魏
舒兼執九品銓十六州不以為劇毅遂為州都銓正人
流清濁區別 劉頌嫁女陳矯本劉氏子改姓陳中正
劉友譏之 李重江夏人為本國中正太熙初遷吏部

郎燕國中正劉沉舉霍原為寒素

太康元年春正月士
申詔內外羣官舉清

能拔
寒素

司徒府不從重奏曰案如癸酉詔書廉讓宜崇淳

競宜黜蓋以二品繫資或失廉退之士故開寒素以明
尚德之舉始舉原先詔州大中正後將軍嬰鄉黨之議
既舉又刺史班詔表薦如詔書所求之旨應為二品從
之 劉沉為本邑大中正崇儒愛賢進霍原二品 庾

珉潁川人為本國中正 杜良顏含為州大中正 陳

壽領郡中正

南陽樂謨
為郡中正

徐邈張闓華譚本郡大中正

江適王坦之諸葛恢陸曄陸玩州大中正 盛彥廣

陵人本邑大中正劉頌舉彥為小中正 卞壺劾淮南

小中正王式虧損世教不可居人倫詮正之任 解結

曰河北少人士每以三品為中正 何充以州有先達

宿德固辭不拜 袁粲為中正欲下何岐之品 孔愉

為司徒長史以溫嶠不終孝道不過其品 鄭默十二

郡中正僉共舉默 文選注晉諸公讚曰傅宣定九品

未訖劉疇代之悉改宣法 宋書魏武始基軍中第卒

權立九品蓋以論人才優劣非謂世族高卑自魏至晉
莫之能改州都郡正以才品人都正俗士品目少多隨
事俯仰歲月遷訛凡厥衣冠莫非二品自此以還遂成
卑庶周漢之道以智役愚魏晉以來以貴役賤 梁天

監二年二月庚午置州望郡宗鄉豪各一人掌搜薦後
復置中正 後魏州郡有中正掌選舉以季月與吏部

銓擇可否

孝文臨軒令諸
中正各舉所知

大和中詔諸郡中正列土族

次第為選舉格

名曰方司格史通曰
方思殿格氏族書也

正始元年冬罷中

正

大中正若王肅揚州劉芳徐州郭祚并州

隋罷中正

通典注云九品及中正至隋開皇中

方罷

唐武德七年正月依周齊制每州置大中正一人

掌人物品第以門高者領之無品秩 史記陳勝以朱

房為中正 吳有大公平習溫潘秘為之今之州都

宋明帝時會稽郡重望計及望孝太守蔡興

宗欲舉孔仲智之子為望計郭原平之子為

望孝一以高門一以至行會別敕用人二選

並寢 梁天監四年正月詔九流常選年未

三十不通一經不得解褐若才同甘顏勿限
年次

魏舉賢良

魏志明帝太和四年十二月丙寅詔公卿舉賢良青龍
元年三月甲子詔公卿舉賢良篤行之士各一人 晉
傅玄傳上疏先王之臨天下也道化隆於上清議行於
下魏武好法術而天下貴刑名魏文慕通達而天下賤
守節其後虛無放誕之論盈於朝野今開正直之路惟

未舉清遠有禮之臣以厚風節詔報曰舉清遠有禮之臣尤今之要也乃使玄草詔進之

魏四科

文選文帝典論論文曰文本同而末異蓋奏議宜雅書論宜理銘誄尚實詩賦欲麗此四科不同故能之者偏也唯通才能備其體

吳四科

吳志注赤烏二年正月詔曰郎吏者宿衛之臣古之命

士也間者所用頗非其人自今選三署皆依四科不得以虛詞相飾

晉舉賢良

紀武帝泰始四年十一月己未詔王公卿尹郡國守相舉賢良方正直言之士 成帝咸和六年三月日食癸未詔舉賢良直言之士七年十一月壬子朔詔舉賢良 傅邵詵泰始中舉賢良直言 阮种為公府掾何曾舉种賢良時种與邵詵及東平士康俱居其上第 夏

侯湛泰始中舉賢良 摯虞與湛等十七人策為下第

武帝因詔賢良方正直言會東堂策問

晉策試秀孝 舉異行

魏察孝廉

列傳劉毅魏末郡察孝廉 劉頌察孝廉舉秀才不就

劉寔郡察孝廉州舉秀才以計吏入洛 李膺初仕

上計掾舉孝廉

許芝郡舉上計吏 庾峻舉計掾

武紀泰始四年六

月甲申朔詔郡國守相士庶有好學篤道孝悌忠信清

白異行者舉進之

庾袞察孝廉舉秀才清白異行皆不降志世號為異行 孔衍舉異行

直言不就

虞溥曹毗杜軫察孝廉

杜夷三察孝

廉潘京嵇含舉秀才

陳頴元康中舉孝廉紀瞻

郡察孝廉不行後舉秀才尚書郎陸機策之永康初州

又舉寒素大司馬辟東閣祭酒王接永寧初舉秀才

是歲天下秀孝一皆不試除中

列傳華譚太康中刺

郎阮种察孝廉為公府掾

史嵇紹舉譚秀才武帝親策之

凡五問

時九州秀孝策無

逮譚者除郎中本國中正鄧攸祖父殷有賜官敕攸

受之太守勸攸去王官欲舉為孝廉攸曰先人所賜不

可改也

陳劬虞喜察舉不就

通典元帝初詔揚州歲舉秀孝二

人諸州各一人不復策試既而申舊制皆令試經不中

科者免刺史太守後莫敢應命太興三年尚書孔坦
議請普延五歲許其講習詔孝廉申至七年秀才如

故

太興初陳頴言晉江外初平故貢舉不試宜漸循
舊試以經策又宜開舉武畧任將率者舉十得一

猶勝不舉 湘州刺史甘卓備禮舉桂陽谷儉為秀
才諸州秀才聞當考試皆憚不行唯儉一人到臺遂

不復策試儉恥其州少士乃表求試以高第
除郎中 華譚守廬江舉寒族周訪孝廉 宋制州

秀才郡孝廉皆策試天子或親臨之

隋志宋元嘉策
孝秀文十卷梁

有孝秀對
策十二卷公卿所舉屬吏部銓用齊策秀才格 文選
有永

明九年十一年天
監三年策秀才文五問並得為上四三為中二為下

一不合與第從駱宰之議也然不覈才德

梁天監初丹楊尹王

志欲歲首舉吉粉純孝揚州中正薦之敕太常旌舉

元魏太和十七年正月臨

思義殿策問秀孝

太和初孫惠蔚郡舉孝廉對策中書省

隋開皇中劉

焯舉秀才射策甲科

隋世重秀才天下不十人杜正倫一門三秀才皆高第大業

十一年五月詔舉郡孝悌廉潔各十人大業末張行成察孝廉王績舉孝悌廉潔校秘書正字岑文

本郡舉秀才不應

晉六條

武紀魏咸熙二年十一月乙未令諸郡中正以六條

舉淹滯一曰忠恪匪躬二曰孝敬盡禮三曰友于兄弟四曰潔身勞謙五曰信義可復六曰學以為己

宋明帝泰始六年置總明觀祭酒一人有玄儒文史四科科置學士各十人

隋舉賢良 十科 四科 二科

紀文帝開皇二年正月甲戌詔舉賢良十二月丙戌賜國子生經明者束帛十八年七月丙子詔以志行脩謹清平幹濟二科舉人 煬帝大業元年七月丙子詔國

子等學具為課試法三年四月甲午詔十科舉人孝悌
有聞德行敦厚節義可稱操履清潔彊毅正直執憲不
撓學業優敏文才美秀才堪將畧膂力驍壯文武職事
五品以上舉有一於此不必求備五年六月辛亥詔四
科舉人學業才藝膂力絕倫堪理政事立性正直

隋進士科

紀文帝開皇七年正月乙未詔諸州歲貢三人

下制禁
文筆之

為浮
詞者

煬帝置進士科

孝廉秀才猶有鄉舉里選諸侯
貢士之遺法至煬帝始變之

場帝置進士科猶試策而已
唐劉思立奏加雜文

隋文帝罷州郡之辟廢鄉里之舉內外一命悉歸吏曹
班列皆由執政

隋試秀才

選舉志杜正玄開皇十五年舉秀才試策高第左僕射
楊素志在試退正玄乃手題使擬司馬相如上林賦王
褒聖主得賢臣頌班固燕然山銘張載劔閣銘白鸚鵡
賦曰可至未時令就正玄及時並了素曰誠好秀才弟

正藏十六年舉秀才時蘇威監選試擬賈誼過秦論及尚書湯誓匠人箴連理木賦凡賦弓銘應時並就南齊孔休源州舉秀才徐孝嗣省其策深善之

唐取士令 取士科 選士法 貢舉條目

選舉志唐取士之科多因隋舊大要有三由學館曰生徒由州縣曰鄉貢其科之目有秀才明經俊士進士明法明字明算一史三史開元禮道舉童子明經之別有五經三經二經學究一經三禮三傳史科此歲舉之常

選也天子自詔曰制舉以待非常之才凡學六又有州

縣學凡館二

見上

至於制舉內自京師外至州縣有司

常選之士以時而舉天子又自詔四方德行才能文學之士又有武舉凡貢舉非其人者廢舉者校試不以實者皆有罰其教人取士著於令者大畧如此有司選士之法因時增損不同大抵衆科之目進士為貴 通典

載貢舉非人之律又按令文科第云云

見後

百官志

禮部掌貢舉之政 六典令二十七篇十選舉十一考

課

漢功令顏師古注
云若今選舉令

通鑑廣德元年六月癸酉禮部

侍郎楊綰請令縣令察孝廉上命諸司通議敕禮部具
條目以聞綰又請置五經秀才科七月戊辰綰上貢舉
條目秀才問經義二十條對策五道國子監舉人令博
士薦於祭酒祭酒試通者升於省如鄉貢法明法委刑
部考試或以為明經進士行已久不可改遂不行 文
粹舒元興上書每歲禮部格下天下未有不言察訪行
實苟不如格抵罪舉主又於格中程之人數每歲多者

不出三十少或不滿二十欲詔有司按三代故事明修
格文使入貢者皆茂行實不拘人數

唐六科 二科 九科 四科

六典禮部尚書侍郎凡舉試之制每歲仲冬率典計偕

其科有六一曰秀才

試方畧策五條此科取人稍峻貞觀後遂絕

二曰明經

三曰進士四曰明法五曰書六曰算

凡明經先帖經然後口試并答策

進士先帖經然後試雜文及策明法試律令明書
試說文字林明算試九章海島孫子五曹張丘建夏

侯陽周髀五
經綴術緝古

凡此六科求人之本必取精究理實而升

為第其弘文崇文館太學生雖同明經進士以資蔭

高試取粗通文義

太廟郊社齊郎試兩經文義粗通補授考滿簡試國子監大成十

員取明經及第人試日記十言并口試仍策所習業十條通七然後補各授散官令於學內習業以通四

經為限

通典初秀才科等最高試方畧策五條有上

上上中上下中上凡四等貞觀中有舉而不第者坐

其州長由是廢絕士族趨嚮唯明經進士二科而已

開元二十四年以後復有秀才舉時以進士漸難而秀才本科無帖經雜文反易於進士主司以其科廢久不欲收獎應者多黜之三十年來無及第者至天寶初禮部侍郎韋陟始請令官長特薦其常年舉送

並停顯慶二年劉祥道陳六事其五曰國家四十年未

有秀才之舉請搜訪優獎不然斯舉遂絕

按登科記永徽元年

猶有秀才劉蓋一人二年始停秀才舉

唐史韓思

復徐堅舉秀才及第與六典通典不同

棣州刺史

崔樞欲舉任放臣秀才自以其學未廣遊去冀

舊

州欲舉張昌齡秀才以科廢久固辭史舉進士

紀高宗顯慶五年六月辛卯詔文武五品已上

一本云詔

內外四科舉人

孝悌德行經史儒術
藻思詞鋒廉平彊直

肅宗乾元二

年五月丁亥御宣政殿試文經邦國等四科舉人

代宗大曆二年十月癸卯上御紫宸殿策試茂才異

行安貧樂道孝悌力田高道不仕等四科舉人六年
四月丁巳御宣政殿試制舉人至夕策未成者令太
官給燭俾盡其才 宣宗大中十年三月中書門下
奏據禮部貢院見置科目開元禮三禮三傳三史學
究道舉明筭童子等九科近年取人頗濫無實藝可
採臣已于延英面論望起大中十年權三年滿後令
有司據所舉人先進名令中書舍人重覆問其童子
多年齒已過望令州府薦送須實年十一二已下精

熟一經從之 陸贄傳說黜陟使以三科登俊又茂

異賢良幹蠱 白居易集自貞元已來用三科取士

詳明政術可以 理人其一也 儒學傳序自楊綰鄭餘慶鄭覃等

以大儒輔政議優學科先經義黜進士後文辭亦未

能克也

舉遺逸 崔圓開元中詔舉遺逸建中初黜陟使趙贊
薦袁滋起處士授校書郎 韋夏卿薦處士

實奉德宗權拾遺 元和初徵李渤 德

宗聘孔述審 長慶二年七月徵李源

舉宗室

異能 李麟舉宗室異能
轉殿中侍御史

舉將帥 王仁皎景龍中以
將帥舉授甘泉府

果毅 馬燧父季龍舉孫吳周黨善兵法科 天
寶初詔舉智謀果決才堪統眾者拾遺張鎬薦來
瑱

唐明經舉 明經著令

志明經之別有五經三經二經學究一經三禮三傳
禮記春秋左氏傳為大經詩周禮儀禮為中經易尚
書春秋公穀傳為小經先帖文然後口試經問大義
十條答時務策三道亦為四等

孔穎達傳隋大業
初舉明經高第

高

祖詔諸州明經秀才俊士進士明於理體為鄉里稱

者縣考試州長重覆歲隨方物入貢

通鑑武德七年二月已酉詔諸州有

明一經已上未仕者咸以名聞

通典明經進士二科

其初止試策貞觀八年詔加進士試讀經史一部

會

要貞觀九年五月二日敕明經兼習周禮儀禮者減一選

上元二年

會要正月十四日

明經

加試老子策二條進士三條

會要儀鳳三年五月詔道德孝經為上經須兼通餘

經及論語依恒式

永隆二年考功員外郎劉思立建言明經多

抄義條進士唯誦舊策皆亡實才而有司以人數充第

乃詔自今明經試帖羸十得六以上進士試雜文二篇

通文律者然後試策

通典調露二年考功員外郎劉思立始奏二科並加帖經其後又加

老子孝經使兼通之至永淳
二年三月詔並試策三道
開元五年會要九始令鄉
月八日

貢明經進士見訖國子監謁先師學官開講問義有司
具食五品以上官及朝集使皆往閱禮
會要開元八

年七月九日司業李元瓘言禮記文少人皆競讀周禮

儀禮公穀四經殆絕請習四經者帖十通五許其入策

十六年十二月二十四日祭酒楊瑒奏有司帖試明經

不質大義乃取年頭月尾孤經絕句且今習春秋三家

儀禮者纔十二恐諸家廢無日請帖平文以存學家

其能通者稍加優宦獎孤學因詔習四經出身者不

任散官遂著令

生徒為瑒立頌太學門兼本傳

十七年三月

丙辰

有司

考功

奏限明經進士及第每年不過百人場上

言流外出身歲二千餘人而明經進士不能居什一

是服勤道業之士不如胥吏之得仕也二十一年注

老子成正月一日詔天下家藏其書貢舉人減尚書

論語策而加試老子二十五年二月二十二日詔令

之明經進士則古之孝廉秀才近進士以聲韻為學

十七日司業裴肅奏依前加爾雅

志詔明經習律以代爾雅

元和二

年十二月明經停口義復試墨義十條五經取通五明
經通六七年十二月侍郎韋貫之奏停墨義依舊格問
口義開成四年十月詔每歲明經第增十人 儒學傳

玄宗詔羣臣及府郡舉通經士 通典按今文科第秀

才與明經同為四等進士與明法同為二等然秀才之
科久廢而明經雖有甲乙丙丁四科進士有甲乙二科
自武德以來明經雖有丁第進士唯乙科而已其進士

大抵千人得第者百一二明經倍之得第者十一二其
制詔舉人不有常科皆標其名而搜揚之試之日或在
殿庭天子親臨觀之試已糊其名於中考之文策高者
授美官其次與出身開元後應詔舉者多則二千
人少猶不減千人所收百纔有一 會要貞元十八
年五月敕明經不得過百人進士不過二十人無其
人不必充數 楊場上言唐興二監舉者千百數當
選者十之二考功覆校以第謂經明行脩故無多少之

限 李絳曰進士明經大抵百人吏部得官至千人私
謂為同年 韓愈曰天下以明經舉於禮部者歲至三
千人始自縣考試升於州府州府又考試之定其可舉
者貢於天子謂之鄉貢有司總州府所升考試之第其
可進者以名上於天子屬之吏部歲不及二百人謂之
出身 權德輿知貢舉三歲所得士繼為公卿取明經
不限員 李珣舉明經李絳以明經碌碌非所宜更舉
進士 張知譽兄弟五人俱高第 王彥威崔良佐明

經中甲科

明經為名相者裴行儉裴炎狄仁傑敬暉崔玄暉杜景
佺賈耽盧邁杜暹董晉徐有功盧仁愿裴淮諳胄陳子
昂王義方玄感賈至李傑許孟容裴子餘尹思貞褚无
量王彥威丁公著韋綬叔夏歸崇敬穆寧崔衍良佐皆
為明臣 五經張嘉貞馮伉韋丹鄭欽說殷侑 兩經
韋溫

唐進士舉

科日記
科第覽

志進士試詩賦時務策五道帖一大經經策全通為
甲第策通四帖過以上為乙第大抵衆科之目進士
為尤貴而得人亦最盛方其取以辭章類若浮文而
少實及其臨事設施奮其事業隱然為國名臣者不
可勝數遂使時君篤意以謂莫此之尚及後世俗益
偷薄上下交疑因以謂按其聲病可以為有司之責
捨是則汗漫而無所守遂不復能易嗚呼乃知三代
鄉里德行之舉非至治之隆莫之能行也寶應二年

禮部侍郎楊綰上疏言

通監廣德元年六月癸酉綰上疏七月方改元

進士

科起隋大業中時猶試策高宗朝劉思立奏加進士
雜文明經填帖故進士皆從當代之文不通經史明
經但記帖括又投牒自舉請依古察孝廉其明經進
士及道舉並停詔李栖筠李廙賈至嚴武議栖筠等
議自晉室之亂南北分裂人多僑處欲復古鄉舉里
選頗恐未盡請兼廣學校十道大郡置大學館遣博
士出外以教生徒保桑梓者鄉里舉焉在流寓者庠

序推焉乃詔明經進士與孝廉兼行先是進士試詩

賦及時務策五道

貞觀八年三月三日
進士加讀經史一部

明經策三道

建中二年

十二月

中書舍人趙贊知貢舉乃以箴論表

贊代詩賦而皆試策三道太和八年禮部復罷進士

議論而試詩賦文宗從內出題以試進士謂侍臣曰吾

患文格浮薄昨自出題所試差勝

按高錯本傳云開成
元年二月癸未宰臣

奏事紫宸殿
帝曰云云

乃詔禮部歲舉登第者三十人苟無其人

不必充其數是時文宗好學嗜古鄭覃以經術位宰相

深嫉進士浮薄屢請罷之文宗曰敦厚浮薄色色有之

進士科取人二百年矣不可遽廢因得不罷

通鑑太和七年李德裕

裕請依楊綰議進士試論議不試詩賦八月庚寅停試詩賦禮部奏先試帖經畧問大義次試議論一首大義以通二通四為格明年後並依此例八年十月乙巳貢院奏進士復試詩賦從之武宗即位宰

相李德裕尤惡進士罷期集參謁曲江會題名嘗曰臣無名第不當非進士臣祖天寶永以仕進無他歧勉強

隨計一舉登第自後家不置文選蓋惡其不根藝實然朝廷官須公卿子弟為之何者少習其業目熟朝廷

事臺閣之儀不教而自成寒士縱有出人之才固不能閑習也則子弟未易可輕德裕之論偏異如此然進士科當唐之晚節尤為浮薄世所共患也 會

要貞觀八年三月三日詔進士試讀一部經史二十二

年九月考功員外郎師旦言張昌齡王公瑾體性輕薄文章浮豔擢之恐後生相效後並如其言調露二年四

月考功員外郎劉思立請帖經及試雜文

先時但試策

永淳

二年三月詔舉人並試策三道開元二十四年十月侍

郎姚奕請進士帖左氏傳禮記通五及第官志天寶
九載置廣文館有知進士助教柳文每歲偕計吏而
造有司者僅半孔徒之數春官擢甲乙而升司徒者於
孔氏高第亦再倍焉宋朝李淑曰唐調露二年劉思
立以進士止試策不盡其學請帖經以觀其學試雜文
以觀其才自此沿以為常永隆二年試雜文二篇通文
律者始試策天寶十一年試一大經能通者試文賦又
通而後試策五條皆通為中第建中二年趙贊請試以

時務策五篇箴論表贊各一篇以代詩賦大和三年試帖經畧問大義取精通者次試論議各一篇八年禮部試以帖經口義次試策五篇問經義者三時務者二厥後變易遂以詩賦為第一場論二策三帖經第四場

會要大中十年四月侍郎知舉鄭顥進諸家科目記十

三卷

東觀奏記曰武德至大中

敕付翰林自今放榜後寫及第姓名

及所試詩賦題進入每歲編次

藝文志崔氏失名顯慶

登科記五卷姚康科第錄十六卷

長慶二年五月十二日叙曰自武德已來

登科名氏編紀凡十餘家皆不備具康錄武德至長慶
二年列為十三卷漢元帝詔云歲以此科第郎從官遂
題為科第錄自三年畢天
祐丙寅續為五卷合十六卷
李奕唐登科記二卷
三家
二十

三 文場盛事一卷 中興書目崔氏登科記一卷載進

士諸科姓名

貞元十七年三月丁亥校書郎趙儵序曰
武德五年詔有司特以進士為選士之目

仍古道也

顯載進士續之者自元和方列制科起武

德五年迄周

顯德六年 崇文總目有樂史脩定四十

卷今亡

雍熙三年正月樂史上登科記三十二卷唐

登科文選

五十卷貢舉事題解各二十卷以為著作郎

直史

館 紹興三十年十月洪适重編唐登科記為十五

卷一以姚氏為正天寶後則以三本合為一 書目諱

行錄一卷以四聲編進士族系名字行第官秩及父祖
之諱主司名氏起興元元年盡大中七年 宋敏求
撰諱行後錄五卷 文場盛事一卷所載皆唐人世
取科第及父子兄弟門生座主同時者五代登科記
一卷起梁開平二年至周顯德六年姓名及試題
薛登曰方今舉士詔下陳篇希恩奏記誓報俗號舉
人皆稱覓舉 禮部采名譽觀素學故預投公卷柳
宗元上權德輿溫卷後周寶儀請進士省卷納五軸

以上 柳宗元貞元得進士第上問有司曰得無以
朝士子冒進者乎有司以聞上曰是抗奸臣者吾知
其不為子求舉矣 韓愈送齊皞序兄為相出藩朝
之碩臣皆舊交有司連枉齊生 王參元家積貨士
之好廉名者不道其善 白居易性習相近遠賦獨
孤授放馴象賦皆當時試禮部對偶之外意義可
觀

唐俊士

志唐取士之科有俊士開元七年敕通一經有文辭史學者入四門學為俊士 六典注梁武帝欲招來後進

五館生皆引寒門俊才即今之俊士也

隋志同

會要開

元二十一年五月敕州縣學生年二十五以下八品子

若庶人二十一以下通一經及未通經而聰悟有文辭

史學者入四門學為俊士即諸州貢舉省試不第願入

學者亦聽

百官志

見四門學

唐制舉 制舉科目圖 茂才

志天子自詔者曰制舉所以待非常之才其所由來遠矣自漢以來天子常稱制詔道其所欲問而親策之唐興天子自詔四方德行才能文學之士或高蹈幽隱與其不能自達者下至軍謀將略翹關拔山絕藝竒技莫不兼取其為名目隨其人主臨時所欲而列為定科者如賢良方正直言極諫博通墳典達於教化軍謀宏遠堪任將帥詳明政術可以理人之類其名最著而天子巡狩行幸封禪太山梁父徃徃會見行在所以待之之

禮甚優而宏材偉論非常之人亦時出於其間不為無

得也

會要

兼實錄

永隆元年

一云調露元年十二月五日

御武成殿

問岳牧舉人員半千對載初元年策問貢人于洛城殿

開元八年三月

一云九年四月甲戌

上親策試於含元殿謂曰古

有三道今減從一道令有司設食

舊紀云古有三策今減二策近無甲科朕

將存其上第

十四年七月御洛城門試應岳牧舉二十五人

孫逖傳開元十年舉賢良方正玄宗御洛城門引見命蘇晉等第其文異等

天寶十三載十

月一日御勤政樓試四科舉人問策外更試詩賦制舉

試詩賦自此始乾元二年御宣政殿試四科舉人

五月
丁亥

制舉科以賢良方正及第者在神龍三年則有蘇晉等

五人以直言極諫及第者在開元二年則有梁昇卿等

二人以賢良方正能直言極諫及第者建中元年姜公

輔等四人貞元元年韋執誼等十四人四年崔元翰等

十五人十年裴均等十四人元和三年牛僧孺等十一

人長慶元年龐嚴等十一人寶曆元年唐仲等十六人

大和二年李邵等十九人以博通墳典達於政化登第

者貞元元年熊執易等二人十年朱穎一人元和三年馮苞等二人長慶元年李思元一人以軍謀宏遠材任

將帥及第者元和三年樊宗師一人

樊宗師三世以軍謀堪將帥策上第

長慶二年吳思等二人寶曆元年裴儔等二人太和二

年鄭冠等二人以詳明政術可以理人及第者貞元十

年張平叔等二人長慶元年崔郢志烈秋霜韓思彥幽

素科蘇瓌辭殫文律崔融文藝優長韓琬絕倫科蘇頲

盧從愿材堪經邦張九齡文經邦國韓休

韓休傳舉賢良元宗在東

官令條對國政與
趨冬曦俱乙科

道侔伊呂張九齡哲人奇士隱淪

屠鈞孫逖智謀將帥崔圓三人文辭秀逸顏真卿二

人辭藻宏麗楊綰

綰舉詞藻
宏麗科

玄宗已試又加詩賦各

一篇綰為冠制舉加詩賦由綰始文辭雅麗苗晉卿

四人諷諫主文鄭珣瑜二人文辭清麗吳通玄奚陟

梁肅六人

王緒舉草澤
文辭清麗科

岳牧員半千

永隆
元年

辭標文苑

房晉三人

垂拱
四年

文藻儒素彭景直李文愿二人徇節

寧邦薛稷二人長才廣度張漪拔萃科崔翹二人疾

惡科馮萬石龔黃科馬克麾才膺管樂科盧絢九人
才高位下馮萬石三人抱器懷能夏侯鈺藏名負俗
李俊之藻思清萃趙冬曦手筆俊拔杜昱七人良才
異等崔翹二人文史兼優康子元三人博學通議蕭
誠二人博學宏辭開元十九年鄭昉陶翰才識兼茂
明於體用元和元年元稹獨孤郁白居易等十六人
孝悌力田建中元年郭黃中三人貞元四年張皓自
志烈秋霜而下凡五十九科自顯慶三年至大和二

年及第者二百七十人有一人中數科者

員半千陸元方崔融陽嶠舉八科皆中 張鷟應下

筆成章等七科皆中 裴守真六科連中 李懷遠

擢四科 孫逖中四科 開元十年逖舉賢良方正玄宗第其文異等 席

豫中三科 學兼流畧詞擅文場手筆俊拔 崔圓韓思彥琬中二科

圓開元中詔舉遺逸以鈐謀對策甲科 柳公綽舉賢良方正直言極

諫間一歲再登其科 張柬之永昌元年賢良第一

時對策者十餘 歸崇敬天寶中舉博通墳典科對策第一詔

舉才可宰百里者復策高第

房瑄舉任
縣令科

韋處厚擢才

識兼茂科賢良方正異等

裴度以宏辭補校書郎舉

賢良方正

鄭亞舉進士賢良拔萃三中其科

楊仲

昌元稹對策第一

白居易制策乙等
第 韓皋異等

韋夏卿大歷中高

等

牛僧孺以賢良對策與李宗閔皇甫湜俱一等

楊於

陵程
其文

劉蕡對策過古晁董第策官馮宿等畏中官不

敢取

鮑防傳貞元元年策賢良得楊質裴復柳公綽

歸登崔邠韋純等世美防知人

劉夢得云皇唐文物

與漢同風張說九齡姜公輔裴均元稹韋處厚牛
僧孺咸用對策甲天下繼為有聲宰相古今相望
磊落如騎星辰 天寶中王翊治兵家擢才兼文
武科 解琬中幽素科 高適舉有道科 舊紀

貞觀十一年四月丙寅詔舉孝悌敦篤儒術該通
文辭秀美明識政體志行脩立者給傳詣洛陽宮
十五年六月戊申詔舉學綜古今孝悌敦篤文章
秀異者以來年二月集泰山 中興書目唐制舉

科目圖一卷

鄭元翰撰

武德初崔仁師擢制舉張

行成代計吏集京師擢制舉一科貞觀初謝偃

應詔對策高第永昌中武后策賢良方正詔吏

書李景諶糊名較覆張說所對第一后置乙等授

太子校書郎大和四年正月詔賢良方正詳

開吏理等科令常參官牧守各舉所知草澤聽

自舉徐楚璧初應制舉三登甲科大曆六

年四月親試諷諫主文等科孔昌寓貞觀中

對策高第 開元二年六月甲子制茂才異等咸令
自舉是年設直言極諫科 韓琬舉茂才名動里中刺
史行鄉飲餞之主人揚解曰孝于家忠于國今始充賦
請行無筭爵儒林榮之擢第又舉文藝優長賢良方正
連中 許景先舉手筆俊拔茂才異等 李乂茂才
異等 高郢舉茂才異行高第 殷踐猷文儒異等
科

唐鄉貢 禮部選士

志舉選不繇館學者謂之鄉貢皆懷牒自列於州縣試已長吏以鄉飲酒禮會屬僚設賓主陳俎豆備管絃牲用少牢歌鹿鳴之詩既至省皆疏名結款通保由戶部

集閱而關於考功員外郎試之

太宗時冀州進士張昌齡王公謹有名當時考

功員外郎王師旦不奏以第帝問其故曰二人文采浮華權之將誘後生弊風俗會要正觀二十二年九月

師旦知舉玄宗開元五年九月八日始令鄉貢明經進士見

訖國子監謁先師學官開講問義有司具食清資五品

以上官及朝集使往閱禮二十四年考功郎李昂

登科記作

李昂為舉人詆訶帝以員外郎望輕三月十二日舊紀三月乙未

移貢舉於禮部以侍郎主之禮部選士自此始二十五年丁丑

始命侍郎姚奕興舉舉人舊重兩監後世祿者以京兆同華為榮

而不入學天寶十二載七月十三日敕天下罷鄉貢舉

人不由國子及郡縣學者勿舉送十四載復鄉貢會要王德

元年以後依前鄉貢天授二年右補闕薛登謙光上疏曰

古之取士考素行之原詢鄉邑之譽以計貢賢愚為州之榮辱是以李陵降而隴西慙段干隱而西

河美魏取放達晉先門閥梁陳尚詞賦隋置進士
等科後生緝綴小文名曰策學願降明制收實用
文試劾官武閱守禦長壽二年十月劉承慶請
貢人元日列方物之前以備充庭之禮制可寶
應二年楊綰以進士不鄉舉但試詞賦浮文非實請
置五經秀才科詔羣臣議賈至議以為鄉舉取人未
盡請廣學校元和中舒元興舉進士見有司鈎校苛
切上書言宰相公卿繇此出而有司以隸人待之非下

賢意羅棘遮截疑其奸非所以求忠直詩賦微莖斷離
經傳非所以觀人文化成也又言取士不宜限數今多
者三十少止二十假令歲有百元凱而吾格取二十謂
求賢可乎歲有才德纔數人而曰必取二十謬進乃過
半謂合格可乎 考功異時多請託進者濫冒歲數百
人開元初員外郎王丘務覈實材登科纔滿百議者謂
自武后至是數十年米錄精明無丘比其後席豫嚴挺
之亦有稱然出丘下

調露初考功郎審味道
見張鷟對稱天下無雙

故事取

人以一日試定高下開元中侍郎韋陟許自通所工先就其能試之已乃程考由是無遺才 乾元初侍郎李

揆患取士不考實徒露搜索禁所挾乃大陳書廷中人稱羨 高郢司貢部三歲絕請謁抑浮華 韋貫之

抑浮華先行實常奏禮部侍郎重於宰相 貞元中權

德輿奉詔定賢良升名士十七人及為禮部侍郎擢第者七十有三鸞鳳杞梓舉集其門登輔相之位者前後

十人

柳宗元上權
德輿溫卷

開成元年高銜權知貢舉文宗自

以題卑有司錯以籍上帝曰比年文章卑弱今所上

差勝於前即以為禮部侍郎閱三歲頗得才實始歲取

四十人才益少詔減十人猶不能滿

會要太和四年格不得過二十五人

九年十二月加至四十人開成元年二年三年並錯知舉恩賜題目及第者四十人二年令狐綯獎舉李商

隱擢第

李宗閔以舍人典貢舉所取多名士世謂玉筍

杜牧曰自房梁公已降有大功立大節率多科第人

武宗患選士不得才命王起以左僕射典舉凡四舉

士皆知名者

貢舉以禮部侍郎專焉或以它官領者多用中書舍人及諸司四品官惟會昌中命

太常卿王起
乃檢校僕射

志初舉人既及第綴行通名詣主

司第謝其制序立西階下北上東向主人席東
階下西向諸生拜主司荅拜乃叙齒謝恩遂升階
與公卿觀者皆坐酒數行約赴期集又有曲江會
題名席李德裕奏國家設科取士而附黨背公自
為門生自今一見有司而止其期集參謁曲江題
名皆罷

唐考功別試 兩都試 兩都舉選

志禮部侍郎親故移試考功謂之別頭

一本云開元二十九年十一月

九日侍郎韋陟奏掌舉官親族皆本司郎官考試事在嫌疑請移送考功試侍郎覆定從之

貞元十

六年中書舍人高郢奏罷議者是之

貞元十六年舍人高郢掌貢舉奏傳

別試議者是之 會要十二月敕罷別頭試 齊抗傳謂抗為相時奏罷

元和十三年權知

禮部侍郎庾承宣奏復考功別頭試

十月庾承宣請復考功別頭試

太

和三年考功員外郎高錯取士有不當監察御史姚中

立又奏停考別頭試六年侍郎賈餗又奏復之

志廣德二年侍郎賈至言歲方艱歎舉人赴省者兩都

試之兩都試人自此始 會要永泰元年七月始置兩

都貢舉侍郎以知兩都為名兩地別放及第大曆十一

年停東都貢舉是後不置

十年五月十九日敕今年舉人悉赴上都準舊例十月二

十五日隨考仗到戶部

太和元年七月權於東都置舉其上都國

子監舉人試如故 吳武陵傳太和初侍郎崔郾試進

士東都公卿祖道武陵曰君方為天子求奇才敢犬所

益因出杜牧所賦阿房宮武陵請曰牧方試有司請以

第一人處之郾謝已得人至第五牧果異等 會要會

昌三年三月中書門下奏舉人不許於兩府取解並試

于兩都國子監大中元年六月於京兆河南集試如舊

條

今孤楚貢進士京兆尹將薦為第一選許正倫而下之

舊紀廣德二年九月

已未左丞楊綰知東京選禮部侍郎賈至知東都舉兩都分舉選自至始也大曆十五年五月癸卯罷兩都貢舉都集上都

唐覆試

志

兼列傳會要

高祖詔諸州明經秀才俊士進士縣考試州

長重覆歲隨方物入貢崔沔舉賢良方正高第不中

者誦訾之武后敕有司覆試對益工遂為第一開元

中

二十五年二月二十
二日侍郎姚奕奏

詔禮部考試畢

通典云進士
唱第訖

所

試雜文及策送中書門下詳覆其後中廢建中三年

四月詔及第者送名中書門下重加考覈長慶元年

侍郎錢徽所舉送覆試多不中選由是貶官而舉人

雜文復送中書門下

志云元和十三年徵典舉李宗
閔傳云長慶初當從傳會要

元年三月丁未詔鄭朗等重試孤竹管賦不知其事
今後雜文及策先送中書門下詳覆四月丁丑黜朗

等十人溫業等二人粗通與及第段文昌奏徵取士以私詔白居易王起覆試而黜者過半三年

正月侍郎王起言故事已放榜而始詳覆今請先詳

覆而後放榜議者謂起避嫌失職

大和七年八月敕弘文崇文兩館生

齋郎依令式試經畢差都省郎官兩人覆試

太和八年正月王涯謂禮部

取士先以榜示中書非至公之道自今一委有司會

昌四年二月王起選士三十人而世胄五人獨收楊

嚴五年二月知舉陳商放及第二十七人三月學

士白敏中重覆黜七人大中元年正月侍郎魏扶

取二十三人奏封彥卿崔瑒鄭延休三人貴胄不敢取以詩賦封進學士韋琮考之中程二十三日並放及第詔有司不得別奏

鄭畋舉進士年甚少有司上第籍武宗疑索所試自

可省乃

唐舉孝廉

舊紀貞觀十七年五月乙丑手詔舉孝廉茂才異能之士 會要貞觀十八年三月六日引汴鄭諸州所舉孝廉賜坐於御前問以皇王政術及皇太子問以

曾參說孝經並不能答寶應二年

即廣德九年

六月二十日

癸酉

禮部侍郎楊綰奏請依古察孝廉乃詔明經進士

與孝廉兼行

志同

綰傳建復古孝廉力田等科天下高其議賈至傳綰建請依古制縣令舉

孝廉于刺史升天子禮部詔有司參議多是綰言至議以為鄉舉取士未盡請廣學校

建中元年

六月九日敕停孝廉科

列傳任敬臣舉孝廉授著作

局正字

韋虛心舉孝廉

歸登大厯中舉孝廉高第

韋純舉孝廉

韋綬舉孝廉又貢進士禮部侍郎潘

炎將以為舉首遜于楊凝

唐明法

書學

算學

見學校

志凡明法試律七條令三條

六典云每部十帖策十條律七條令三條

全通

為甲第通八為乙第李朝隱中第擢至大理丞

會要貞元二年六月敕明法能兼習小經帖義

通者比明經 會昌二年十月委中書門下精擇法

官御史三人以上取法官一人 文明元年四月

敕內外官以當司格式書于廳壁會昌四年七月

大理卿劉濛於寺廳粉壁重寫令式及格後敕

漢鄭崇父賓以明律令為御史薛宣以明習文法補御史中丞漢官曰大司農市長一人明法補員吏三十六人

唐道舉

志開元二十九年

會要二十五年正月十五日

置崇玄學習老莊文

列亦曰道舉

通典二十九年始於京師置崇玄館諸州置道學生徒有差謂之道舉舉送課試與

明經同

天寶十二載道舉停老子加周易寶應二年六月

二十六日停道舉

列傳康子元開元初詔張說舉治

易老莊者侯行果薦子元於說說以聞得侍讀 元載

天寶初舉明莊老列文四子學者載策入高第 開元二十九年

御興慶門親試明四子人姚子彥元載等 獨孤及天寶末道舉高第 楊

綰清傳道舉

唐武舉

志武后長安二年 正月十七日乙酉 始置武舉 每年準明經進士例送 其

制有長垛馬射步射平射筒射又有馬槍翹關負重身材之選翹關長丈七尺徑三寸半凡十舉後手持關

距出處無過一尺負重者負米五斛行二十步皆為中第亦以鄉飲酒禮送兵部選用之法不足道故不復書 六典兵部員外郎掌貢舉有二科一曰平射

二曰武舉其試用有七曰射長垛騎射馬槍步射材

貌言語舉動其高第奏聞

會要

兼通典

武舉每歲孟

冬亦與計偕有二科云云開元十九年詔武貢人與明經進士同行鄉飲酒禮二十六年十一月十四日敕武貢以求才實比委郎官未稱其事今後令侍郎知武

舉天寶元年十月三日敕長埭限以十箭六載正月制鄉貢武舉人上省先謁太公廟每拜大將及行師克捷告廟武舉每歲不過十人貞元十四年九月癸酉停鄉

貢武舉

諫議田厚奏挾持弓矢出入皇城間非所宜故傳之

元和三年五月

壬辰

兵部奏取士之方文武並用請復置武舉從之 傳薛

登上疏願收實用試守禦吳子曰一劍之任非將事也

諸葛亮臨戎不親戎服此豈弓矢之用也 王仁皎景

隆中以將帥舉授甘泉府果毅 郭子儀以武舉異等

補左衛長史後平兩京再造王室

漢邊弗靖勇略始求士不素養孰同其憂唐以翹關
用舉武士雖號得人教養弗至

唐開元禮舉 三禮舉

志取士科目有開元禮凡開元禮通大義百條策三
道者超資與官義通七十策通二者及第散試官能

通者依正員明經有三禮

辛祕登開元
禮科授博士

會要貞元

二年六月十一日敕舉人有習開元禮者同一經例

選人不限選數許集問通大義百條策三道者超
資與官義通七十策通二者不在放限九年五月
二日敕通大義百條策三道者為上等大義通八十
策通二者為次等元和八年四月吏部奏習開元禮
者先授太常寺官以備講討從之貞元五年五月二
日敕試三禮者問大義三十條試策三道全通為上
大義通二十五策通二為次

貞觀五年五月二日敕
明經兼習周禮儀禮者

選減一

蘇晉傳舉大禮科上第

登科記貞元五年

始有開元禮一人

殷侗及五經第學長於禮 王彥威明經甲科淹識古今典禮補檢討官

歸崇敬治禮家學多識容典推明經

韓愈送陳宓序將易其業而三

禮 後周廣順三年八月開元禮三史各對義三百道

唐三傳科 史科

志科目有一史三史明經之別有三傳史料凡三傳科左氏傳問大義五十條公羊穀梁傳三十條策皆三道義通七以上策通二以上為第凡史料每史問大義百

條策三道義通七策通二以上為第能通一史者白身

視五經三傳有出身及前資官視學究一經三史皆通

者獎擢之長慶三年

會要二年二月
舊紀三年二月

諫議大夫殷侑言

司馬遷班固范曄三史為書勸善懲惡亞於六經比來

史學廢至有身處班列而朝廷舊章莫能知者於是立

史科

舊紀云
三史料

及三傳科

會要侑請置三傳科又請置史
科每史問大義百條從之景

雲元年十二月十一日制習五經綜一史通三教善六
書傳雅曲學孫吳善教奏者吏部明試二年王楚玉等

八人以一史中第
相者一人朱樸以三史舉 史料至

宋朝李維清開寶中以

三史解褐 後唐劉熙古長興中舉三傳

唐童子科

志童子科十歲以下能通一經及孝經論語誦文十通者予官通七者與出身 會要廣德二年五月庚

申停童子歲貢

禮部侍郎楊綰奏罷之

大曆三年三月敕童子

舉取十歲已下者十年五月癸卯停開成三年詔不得更有聞薦而以童子為薦者比比有之大中十三年三月中書門下奏科目內開元禮三禮三傳三

史學究道舉明筭童子等九科近年取人頗濫望權停
三年後赴試者先進名中書舍人重覆其童子須實年
十一二以下精熟一經從之 列傳員半千晉州舉對

詔高第 裴耀卿數歲能屬文擢童子舉 王丘十一

擢童子科他童皆專經而獨屬文 員淑九歲詞辯注

射 李泌竒童 楊炯舉神童 吳通玄舉神童徐齊

聃八歲能屬文太宗召試 呂方毅七歲能誦經太宗

召見賜束帛 劉晏玄宗封泰山八歲獻頌 漢左雄

奏汝南謝廉河南趙建年十二能通經拜童子郎 臧

洪年十五拜童子郎 黃琬以公孫拜童子郎 司馬

伯達年十二試經為童子郎 梁岑之敬年十六策春

秋左氏制旨孝經義擢高第召入簡試除童子奉車郎

天監七年九月壬辰置童子奉車郎 庾質八歲誦十賦拜奉車郎

唐殿試 詳見九科

志載初元年二月辛酉策問貢士于洛城殿殿試人自

此始 高宗永隆元年試武成殿

宋朝富弼言後漢文吏課牋奏副

之端門亦未聞天子親試也唐武后載初年始有殿試此何足法

唐宗室監舉

志中宗詔宗室業成堪貢者宗正寺試送監舉如常法漢宗正有郡國歲計上籍之文劉向以高材進對唐宗正寺歲送進士二十人與國子監京兆府相比李程李肱皆為舉首

唐國子大成

志上元二年國子監置大成二十人取已及第而聰明者為之 六典大成初置二十人開元二十年減十人通四經業成上吏部試登第者加一階放選不第習業如初三年一試九年無成免從常調

注見六科

尹思貞傳

左右史張說尹元凱薦為國子大成

唐國子舉

韋知人傳以國子舉授校書郎 會要開元二十六年正月八日詔弘文崇文生貴胄子孫不專經業自今依

令式考試廣德元年七月二十六日敕經業務須精熟
字體皆得正樣通七者與出身不通者罷 志開元七

年令弘文崇文國子生季一朝參貞元中弘文崇文生
未補者務取員闕以補速於登第而用蔭垂實至有假
市門資變易昭穆及假人試藝者六年詔宜據式考試

假代者論如法

弘文生

徐齊暉裴行儉房瑄韓洄崔
楊仲昌通經為修文生

許孟容傳公主求補崇文生

會要云
兩館生

孟容為禮部員

外郎謂不可帝問狀以著令對德宗嘉其守 通典垂

拱元年七月魏玄同上疏言選舉曰弘文崇賢之生課
試既淺藝能亦薄胄子必裁諸學少則受業長而出仕
少仕則廢學輕試則無才又勲官三衛流外之徒不待
州縣之舉直取於書判非先德後言之誼 志中宗詔
宗室三等以下五等以上未出身願宿衛及任國子
生聽之其家居業成而堪貢者宗正寺試送監舉如
常法

唐孝悌力田科

見制科

會要開元二十六年正月敕孝悌力田風化之本比同
舉人攷試辭策其狀迹殊尤者令長官特薦不隨考使
例送寶應元年五月詔刺史薦孝悌力田二年七月又

詔本州以名薦廣德二年五月二十四日庚申勅孝悌

力田歲貢宜停

禮部侍郎
楊綰奏罷

大厯元年十二月詔孝悌力

田未經薦用者長官以名聞貞元四年又詔 楊綰傳

建復古孝廉力田等科

與會要
不同

蘇瓌傳左庶子張大

安表舉孝悌

閻朝隱傳中孝悌廉讓科

神龍元年
九月舉

孝友傳序以孝悌名通朝廷者多閭巷之民皆得書于
史官

唐龍虎榜

歐陽詹傳晉江人與韓愈李觀崔羣王涯馮宿度承宣

聯第皆天下選時稱龍虎榜

時貞元八年侍郎陸贄典
舉進士二十三人
明水

賦

崔羣傳未冠舉進士陸贄主貢舉梁肅薦有公輔

才擢甲科 韓愈曰陸公司貢士所與及第皆赫然有


聲由梁肅王礎佐之梁舉八人無失者餘則王與謀焉

唐舉自代

通鑑肅宗上元二年九月制除五品以上官令舉一人
自代 會要建中元年正月五日敕常參官及刺史授

上後三日內舉一人以自代

見韓文



玉海卷一百十五